

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-01856-2013
Broj akta: 01EH-001
Gračanica, 29. 05. 2013. godine

Z A P I S N I K
SA 7. SJEDNICE OPĆINSKOG VIJEĆA
GRAČANICA

Održane dana 29. 04. 2013. godine u sali za sjednice Općine Gračanica, sa početkom u 10.00 sati.

Početu sjednice prisustvovalo je 29 članova Općinskog vijeća Gračanica. Odsutan je Puškar Hasan.

Sjednicu je otvorio i istom predsjedavao Ibrišević Edin, predsjedavajući Općinskog vijeća Gračanica, zajedno sa zamjenikom Gazibegović Seadom i sekretarom Općinskog vijeća Mujačić Zehrom.

Zapisnik vodila Mevlida Naimkadić, a vršilo se i tonsko snimanje sjednice.

Pored članova Općinskog vijeća sjednici su prisustvovali i: Općinski pravobranilac Jasminka Imširović, Azra Mustajbašić, šefovi službi za upravu Aida Hodžić, Zijad Dedić i Mustafa Bajić, Fuad Alić, direktor JP "Vodovod i kanalizacija", izvjestioci po pojedinim tačkama dnevnog reda Muniba Čičkušić, Zehra Karahasanović, Nadira Kulenović i Said Gazibegović direktori JZU-a Gračanica, predstavnici OSCE-a Tuzla, predstavnici IPSA-e Andrea Pavlović i Damir Lukić, poslanik u Skupštini TK Džemal Jukan, član Etičke komisije Zumra Smajlović, te predstavnici sredstava informisanja.

Zapisnik sa 6. sjednice Općinskog vijeća Gračanica usvojen je jednoglasno, bez primjedbi sa 29 glasova "ZA".

Pitanja i inicijative kandidovali su sljedeći članovi Vijeća:

Fadil Mešić:

"Vijećničko pitanje je upućeno Federalnoj upravi za inspekcijske poslove Sarajevo. Koliko su u toku inspekcijske kontrole u Općini Gračanica zatekli neprijavljenih radnika, to jest, koji su radili na crno u toku 2012. godine? Tražim od Federalne uprave za inspekcijske poslove Sarajevo da javnost izvijesti o poduzetim mjerama i firmama koje su na dan kontrole zaključali svoje kapije kao da su svi na kolektivnom godišnjem odmoru. Zašto je uostalom preko dvjesto firmi sa područja TK poslalo radnike na godišnji kolektivni odmor dan nakon saznanja da će doći do inspekcijske kontrole, budući da smatram da građani očekuju od izabranih zvaničnika da u njihovo ime postavljaju ovakva pitanja. Odgovorno tvrdim da na području općine Gračanica ima preko hiljadu radnika koji rade na crno. Od toga je većina u veoma teškom položaju i bez ikakve zaštite, a velika većina ih je i izvan sindikalnih udruženja. Sve to po mom mišljenju zahtijeva odgovorniji odnos vlasti prema radnicima. I drugo, imao bih molbu za načelnika ali vidim da nije prisutan, nadam se da će ovo čuti. Major Mirsad Sinanović je prije mjesec dana uputio molbu gospodinu načelniku za sponzorisanje knjige koja govori o 109. brdskoj brigadi Doboj Istok. Bitno je napomenuti da je brigada u toku agresije na BiH personalno bila popunjena sa 30% boraca sa područja općine Gračanica, pa očekujem od načelnika da, ukoliko je u mogućnosti, pomogne u štampanju ove knjige."

Esad Tursunović:

"Možda nije vrijeme da sad diskutujem o ovim Fadilovim stvarima, ali poslije ću da se vratim. Ja idem sa jednom inicijativom prema MZ-i Lukavica, često sam tamo, imam prijatelja, poznanika, dvadeset godina sam u Lukavici i tu MZ-u smo doveli na rub propasti. Pošto nema načelnika obratio bih

se predsjedavajućem da sljedeću sjednicu Vijeća probamo održavati u MZ-i Lukavica. Vi, znači načelnik, mi vijećnici, prevozno sredstvo autobus i putnom komunikacijom koja je ucrtana preko Malešića. A evo da dam obrazloženje zbog čega sve to. U samu Lukavicu ne možemo doći skoro ni iz jednog pravca. Svi su putevi katastrofa. Trenutna poslovna situacija u Lukavici, ovdje vidim šefa privrede i htio bih isto njega da zamolim da mi nabroji samo tri firme iz Lukavice mimo "ZEKE KOMERCA", koje rade. Dobro je bolja putna komunikacija prema Skipovcu gdje živi neznatan broj povratnika. Bezbjedonosna situacija gore je kao u Kandaharu. "Zekakomerc", ne sad što je moj prijatelj, stranački me nije ni podržao nešto bogzna, napravio pogon od 1800 m², lično iz moralnih razloga prema Lukavici da bi zaposlio narod Lukavice. Ali šta se dešava. Skoro kod njegove kuće, odnosno njegovog privrednog objekta, bačena je bomba. Išao je dopis prema policiji. Svako šesto auto je registrovano u Lukavici. Dobro znamo kakva je Lukavica bila. Da nam je uzor bila prije rata. Imali su Banku, imali su zadrugu, imali su sve. Mještani Lukavice mene lično i nas sve gledaju, mi smo svi u istom toru, odnosno košu, da smo mi uzrok te nedaće. Ja nisam, ali volio bih i vi koji poznajete stanje u Lukavici svi da kažete, da ne udaram nikakvu demagogiju, nešto se mora rješavati. Šest mjeseci ljudi vode nemaju. Ne znam ima li ovdje ko iz "Komusa". Neka politička prepucavanja su između Doboj Istoka i Općine Gračanica. Zabranili su Doboj Istoku istresanje smeća. Ovo malo vode što Čamdžići dobijaju u Lukavici hoće da isključe. Je li to narod zaslužio? Jesmo li to obećavali narodu? Zbog čega ljudi? Isto veliko je negodovanje zbog prodaje zemljišta na kojem je napravljen repetitor MTL-a. Općina je prodala zemljište, a to sam od njih čuo. Juče, prekjuče u Lukavici bio je isto i jedan smrtni slučaj. Nebriga o borcima. Molio bih Himzu i BPS da malo povedu računa, pošto oni zastupaju to. Zastupaju samo na papiru ni na čemu drugom. Ljudi, moramo nešto rješavati i ponovo vam kažem volio bih da odemo svi u Lukavicu da vidimo stanje kakvo je. Tamo je Kandahar ljudi. Ja ne znam ni jedne MZ-e sem Lukavice da je u takvom stanju. Ništa nemaju, ništa nemaju. Toliko"

Avdić Himzo:

"Imam pitanje, Službi prostorno uređenje, geodetske i movinsko-pravne poslove Općine Gračanica i Direkciji za ceste TK.

- Kada će se izgraditi i staviti u funkciju javna rasvjeta u MZ-i Stjepan Polje, općina Gračanica, duž magistralnog puta Doboj-Tuzla?

Obrazloženje: MZ-a Stjepan Polje je jedina mjesna zajednica u općini Gračanica koja nema urađenu javnu rasvjetu duž puta Doboj-Tuzla, što je uzrok velikog broja nesreća sa najtežim posljedicama. Ostale mjesne zajednice općine Gračanica na ovom putu: Miričina, Orahovica, Lohinja, Pribava i Gračanica odavno imaju urađene javne rasvjete te smatram da je to neophodno uraditi u u ovoj jedinjoj preostaloj mjesnoj zajednici.

Samo jedan komentar na Esadovo, što me prozvao. Svi smo mi borci bili i SDA sebi pripisuje da je boračka populacija njena. To znači BPS nema sa tim ništa, faktički."

Almedin Devedžić:

"Prije nego što pročitam ono što sam za današnje Vijeće pripremio, želim da se zahvalim mom kolegi Esadu Tursunoviću koji je iz druge MZ-e a ipak želi da pomogne jednoj MZ-i koja u ovom trenutku stvarno izgleda onako kao što je i rekao. Treba zaslužiti da slijedimo taj primjer i da se, prije svega, borimo za sve mjesne zajednice, a ne samo svako za svoju. Ja ću iskoristiti priliku da pročitam jedno otvoreno pismo upućeno Općinskom vijeću Gračanica, Općinskom načelniku i žao mi je što danas nije sa nama, RVI-a Gračanica, Organizaciji demobilisanih boraca, medijima i javnosti općine Gračanica.

- Ovo obraćanje gore navedenim započecu pričom o unuku i djedu, koji su hodajući pješčanom plažom naišli na stotine morskih zvijezda koje su, nasukane na obalu ležale bespomoćno. Unuk je prišao jednoj i uzeo ju u ruke s namjenom da joj pomogne. Djed mu je rekao da to uzaludno radi jer ih ima mnogi i svima im ne može pomoći. Unuk je na to rekao: „Ne mogu im svima pomoći ali ovoj mogu“ i bacio ju u more. U Lukavici je 26. 04. 2013. godine na lijepi petak u vrijeme džume namaza na sebe digao ruku proslavljeni ratnik Armije BiH, demobilisani borac i ratni voni invalid Azem Omerović, suprug nezaposlene i bolesne Amele i otac dvije maloljetne kćerke. Izvršio je samubistvo jer je smatrao da je to jedini izlaz iz košmara kojeg su on i njegova porodica proživljavali u posljednjih godinu dana. Nezaposlen, radno nesposoban, vidno narušenog zdravstvenog stanja kojeg karakteriše

postratni traumatološki sindrom, Azem se kao predsjednik demobilisanih boraca Lukavice, obraćao svima do kojih je mogao doći. Iako je imao sve uslove za vojnu penziju koju je, za razliku od mnogih današnjih vojnih penzionera sigurno zaslužio, njegov zahtjev bio je odbijen. Kucao je na mnoga vrata ali sve je ostalo na obećanjima. Njegova porodica nije mogla da čeka, a zadnji oborok koji je pojeo sa njima nije završio jer bi usfalilo njegovim kćerkama. Nije mogao više izdržati i odlučio je dignuti ruku na sebe svjesno se žrtvujući ne bi li neko možda reagovao i pomogao njegovoj porodici. Azema više nema, ali je ostala njegova porodica. Sada su još bespomoćniji jer pored siromaštva koje ih svakoga dana lagano ubija, tuguju i za svojim najmilijim ocem i suprugom. Lukavica, zabit na kraju svijesta, kako je trenutno zovu, iako zaboravljena od svih onih koji treba da se brinu za nju, je pomagala i pomagaće Azemovu porodicu. Narod koji tamo živi, koji je u vrijeme agresije na BiH pokazao zube i odbranio zapadnu kapiju općine i kantona, nije zaboravio rat i ratna stradanja, zbog čega su mnogi Lukavicu zvali herojskom. Takođe, narod Lukavice nije zaboravio šta znači humanost, zbog čega će uraditi sve da se porodica našeg rahmetli Azema ne osjeti ostavljenom. Azemova porodica je sada ustvari ona dječakova morska zvijezda s početka priče i jedna od stotine sličnih ljudskih sudbina koje su u stanju da im društvo, država za koju se Azem borio, moraju pomoći. Pozivam javnost Gračanice da ne očuti i ne bude suzdržana, kao u većini slučajeva kada se u ovom zakonodavnom organu izglasavaju mnogi amandmani vezani za Lukavicu, a koji njoj i njenim stanovnicima život znače. Neka javnosti bude opomena i poziv na uzbunu dvadesetak samoubistava koja su se desila poslije rata u, kako kažu, herojskoj Lukavici. Neka ovo moje obraćanje bude poziv svima koji mogu i trebaju pomoći herojskoj Lukavici da preživi i da mi Lukavičani više na možemo čekati da na se neko sjeća na određeno vrijeme. Lukavica je dio općine Gračanica iako u nju dolazimo preko druge općine. 3.000 heroja iz Lukavice među kojima je bio Azem, a među kojima je još njegova porodica, sigurno zaslužuju da se osjećaju dijelom općine. Azem Omerović to sigurno neće osjetiti ali za njegovu porodicu i njihove sugrađane postoji nada, koja, nadam se neće prerasti u razočarenje. S poštovanjem.

Poziv na otpis duga za isporučenu električnu energiju porodici umrlog Azema Omerovića iz Lukavice.

Poštovani, s obzirom da je Azem Omerović iz Lukavice, demobilisani borac i ratni vojni invalid, tragično preminuo izvršivši samoubistvo, pozivam Vas da uradite sve što je u Vašoj moći da posređujete i pomognete porodici istog kako bi im dug za isporučenu električnu energiju bio otpisan te isporuka iste bila kontinuirana. Nadam se da ćete imati razumijevanja i iznaći rješenje za datu situaciju jer porodica umrlog je bez ikakvog primanja.“

Ezaneta Hadžić:

„Pitanje je vezano za bezbjednost pješaka (učenika) u saobraćaju. Zašto se u Stjepan Polju već jednom ne uradi obilježavanje horizontalne i druge signalizacije koja bi upozorila učesnike u saobraćaju da je u blizini škola, te da svakodnevno veliki broj djece prelazi cestu?

Već duži niz godina su išli zahtjevi prema nadležnim institucijama od strane JU OŠ „Stjepan Polje“ i MZ-e Stjepan Polje vezano za postavljanje horizontalne i druge signalizacije kojom bi se upozorilo vozače na opasnost na dionici puta M4 (Doboj-Tuzla). Ne tražimo ništa što nije stavljeno u drugim mjestima, kao što je npr. u Orahovici Donjoj, Brijsnici Velikoj, Klokotnici itd. Važno je to što prije uraditi, jer ako se desi neka nesreća onda je kasno.“

Selihana Ćurić uputila je vijećničko pitanje Službi na poduzetništvo, lokalni razvoj i finansije Općine Gračanica i glasi:

„Da li je završena sanacija klizišta na putu Ograđenica-Prnjavor u MZ-i Lukavica?

Obzirom da je 2012. godine izvršena sanacija jednog od 5 klizišta na putu Ograđenica-Prnjavor komunikacija na tom dijelu puta je prilično otežana. Potporni zid je završen ali sanacija dijela kolovoza uz njega nije jer je nivo starog asfalta mnogo viši nego što je nasip uz taj zid, zbog čega se već deilo nekoliko saobraćanih incidenata. Takođe i mjesto nakome se skupljaju površinske vode je otvoreno i predstavlja opasnost za ljude, a posebno djecu, jer se u njemu skuplja velika količina vode. Naime taj prostor nema poklopca. He znamo ko treba da to sanira i da li je predviđeno projektom kao i asfalitranje puta uz klizište.“

Mirza Omerdić:

„Ja bih imao jednu vijećničku inicijativu, a na temelju sjednice Vijeća MZ-e Stjepan Polje koja je održana 28. 03. 2013. godine na kojoj su rješavana određena pitanja i problemi snabdijevanja i opskrbe građana pitkom ovodm. Održavanje mjesnog vodovoda sa dva izvorišta, jednim bunarom, vodovodnom mrežom oko 50 km u ovim okolnostima je veoma teško. Zbog bojazni od pojave zdravstvenih problema trenutno imamo potrebu za hitnom nabavkom dva hlorinatora za vodu koja su pokvarena tako da se voda hlorige veoma neuredno i otežano. Imajući u vidu značaj naše potrebe i zbog nemogućnosti kupovine pomenutih hlorinatora nadamo se da ćete imati razumijevanja za nabavku istih što vam se ovom prilikom zahvaljujemo.”

Esma Pašić:

„Ka vijećnik upućujem vijećničku inicijativu koja se odnosi na sljedeće:

- Da se na dijelu regionalnog puta Gračanica-Gradačac u naselju Luke postavi adekvatna horizontalna i vertikalna signalizacija. Ovaj put je pod ingerencijom Tuzlanskog kantona.

- Da se na dijelu ulice Patriotske lige koji prolazi pored Druge osnovne škole postavi adekvatna horizontalna i vertikalna signalizacija. Ova ulica je pod ingerencijom Općine Gračanica.

Obrazloženje:

Druga osnovna škola je u „sendviču“ između dvije saobraćajnice sa jedne strane regionalni put Gračanica-Gradačac, a sa druge jedna izuzetno prometna ulica koja je alternativni izlaz iz grada ali i kraću put za veliki broj kako putničkih tako i teretnih vozila. Poznato mi je da ulicom Patriotske lige prolazi veliki dio teretnih vozila koja idu ka industrijskoj zoni grada i skoro svi koji idu u smjeru Doboja. Također i ulicom ispred škole prolaze svi autobusi koji idu po radnike u industrijsku zonu grada. O frekvenciji saobraćaja na regionalnom putu Gračanica-Gradačac nije potrebno posebno ni govoriti u vrijeme jutarnje gužve od 06:30h do 08:00h kada djeca dolaze u školu, te u vremenu od 11:00h do 12:30h kada je smjena djece u školi. Kako sam i sama bila dio uprave škole pruže donošenja novog Zakona o osnovnom odgoju i obrazovanju, znam da je u toj školi problem kada je u pitanju saobraćajna bezbjednost naših osnovaca u Drugoj osnovnoj školi Gračanica. Ova problematika bi se ublažila postavljanjem adekvatne signalizacije. Naime, na ovim saobraćajnicama nije postavljena signalizacija propisana za put koji prolazi u blizini škole, trebalo bi i na jednoj i na drugoj saobraćajnici ponovno postaviti „ležeće policajce“ kako bi se vozačima ukazala pažnja na blizinu škole i djece, te kako bi oni smanjili brzinu.“

Hasan Fehratović:

„Prvo želim i vas i javnost da upoznam sa odgovorom na jednu moju inicijativu, a nakon toga da postavim jedno vijećničko pitanje. Ja sam na februarskoj sjednici ove godine, prema JP Ceste Federacije BiH uputio sljedeću inicijativu.

- Molimo Vas da u skladu sa svojim mogućnostima izradite projektnu dokumentaciju i iznađete novčana sredstva za izgradnju izlivenih traka na raskrsnici magistralnog puta M-4 Doboj-Tuzla i regionalnog puta R-461a, Donja Orahovidca-Srebrenik na lokalitetu „Rječica“ u MZ-i Donja Orahovica, a u cilju veće prohodnosti i bezbjednosti učenika u saobraćaju. Od JP Ceste Federacije BiH dobio sam sljedeći odgovor.

- U toku 2009. godine JP Ceste F BiH je implementiralo projekte rehabilitacije magistralne ceste M-4, dionice: granica entiteta (Stanić Rijeka)-Gračanica, Gračanica-Donja Orahovica i Donja Orahovica-Lukavac. U okviru navedenih projekata bila je planirana i rekonstrukcija raskrsnice za koju je vijećnik Hasan Fehratović pokrenuo inicijativu. Jedini razlog zbog kojeg projekat rekonstrukcije predmetne raskrsnice nije implementiran je neriješeni imovinsko-pravni odnosi. Naime, glavnim projektom rekonstrukcije raskrsnice predviđeno je da se mora izvršiti eksproprijacija dijela zemljišta u zoni raskrsnice. Obzirom da su projekti implementirani iz kredita WB-a i EBRD-a, to podrazumijeva da bi sredstva bila operativna moraju biti riješeni svi imovinsko-pravni odnosi. Napominjemo Vam da je jedino ispravno tehničko rješenje podrazumijeva eksproprijaciju dijela zemljišta u zoni raskrsnice. Ukoliko bi Općina Gračanica izvršila eksproprijaciju dijela zemljišta u zoni raskrsnice. JP Ceste F BiH je spremno u narednom periodu obezbijediti sredstva za ovu namjenu. Na osnovu navedenog uputit ću sljedeće vijećničko pitanje prema načelniku i nadležnoj općinskoj službi:

- Da li se u prethodnom periodu pokretane aktivnosti u vezi eksproprijacije zemljišta na raskrsnici puteva M4-R461 na lokalitetu „Rijecica“ u Donjoj Orahovici, kako bi pomenuta raskrsnica bila bezbjednija i efikasnija za saobraćaj i kako bi se mogla povući adekvatna novčana sredstva od JP Ceste Federacije BiH. Ukoliko do sada nisu pokretane aktivnosti po ovom pitanju, molim nadležne da po hitnom postupku započnu rješavati ovaj projekat i da stvore potrebne uslove prema JP Ceste Federacije BiH.“

Mirsada Osmić:

„Upućujem inicijativu za kupovinu novog porođajnog stola.

Obrazloženje:

Postojeći porođajni sto na Ginekoločkom odjeljenju Doma zdravlja Gračanica star je nekih 60-ak godina i mislim da je vrijeme da se našim budućim majkama u 21. vijeku stvore bolji uslovi za ovaj važan trenutak u životu, kako za porođilju tako i novorođenče. Samim tim bi se uz ovaj sto i naše stručne doktore koliko toliko olakšao porod majkama rodiljama i izbjegle bi se eventualne neželjene situacije, ali što ne znači da zbog dotrajalosti orema toga ubuduće neće biti. Punu podršku, a naročito finansijsku daje i Klub SDP-a pa s tim u vezi koristim priliku da pozovem i sve naše građane a naročito privrednike koji su po ko zna koji put dali svoj doprinos u razvoju naše općine u svim segmentima društva.

Iskoristila bih ovu priliku da postavim jedno pitanje zdravstvenim ustanovama i Gradskoj apoteci. Pitanje glasi:

Zašto se već duži period u našim ambulancama i apotekama ne može naći ili kupiti Vakcina Anti Tetanus, ili ih dođe sasvim mali broj?“

Nihad Krajinović:

„Ja imam inicijativu za postavljanje kontejnera na izlazima sa izletišta.

Obrazloženje: S obzirom na predstojeći period sunačnih dana i povećanog broja odlazaka stanovnika općine Gračanica na izletišta i u vikendice, smatram da bi bilo korisno i sa ekološkog aspekta prihvatljivo postaviti kontejnere na posjećenije lokacije gračaničkog izletišta, kao što su Vis, Lohinja, Hurije, Lendići čije bi se odvoženje odvijalo prema potrebi. Smatram da bi na ovaj način bila zaštićena priroda i okoliš i onako ugrožen od nemarnog odnosa građana koji koriste svaku priliku i mjesto da svoj kućni i otpad sa izletišta odbace u potoke, gajeve, pored puta i slična mjesta u prirodi. Sa ekonomskog stajališta smatram da bi ovaj potez imao svoju finansijsku opravdanost uzimajući u obzir cijenu narušavanja ekosistema i naknadnog prikupljanja otpada.

Uz ovu inicijativu upućujem pitanje zašto su kontejneri za odvoženje krupnog otpada u gradu, u ovogodišnjoj akciji „mart, april-mjeseci čistoće“ na pojedinim lokacijama zadržavani samo dva do tri dana kada je do sada slučaj za tu akciju po lokaciji bio po sedmicu dana?“

Senad Selimović:

„Ja upućujem pitanje općinskom načelniku kao i Šefu Službe za poduzetništvo, lokalni razvoj i finansije Općine Gračanica.

MZ-a Trnovci je 04. 04., 19. 04. i 25. 04. 2013. godine podnijela zahtjev za izdvajanje novčanih sredstava novčanih sredstava u svrhu ograđivanja sportskog poligona i postavljanja javne rasvjete na sportskom poligonu u Trnovcima. Pitanje glasi:

- Kada možemo očekivati sredstva za ove namjene? Zamolio bih Vas da nam što prije izadete u susret i pomognete.“

Rahim Gadžić:

„Ja ću u ime Kluba vijećnika SDA postaviti jedno vijećničko pitanje. Na prošloj sjednici Općinskog vijeća kad se usvajao Izvještaj o izvršenju budžeta za 2012. godinu, Klub vijećnika SDA je tražio da mu se dostave još neki određeni podaci. Mi to do danas nismo dobili. Iz tog razloga ja u ime kluba tražim da nam se dostavi izvještaj o utrošku sredstava po sportskim klubovima, to znači za sport, zatim spisak korisnika jednokratnih pomoći što su iskoristili u 2012. godini, spisak održavanje puteva,

tabelarno po mjesnim zajednicama koliko je koja mjesna zajednica iskoristila, takođe tabelarni prikaz održavanja javne rasvjete po mjesnim zajednicama. Mi smo pod tim uslovima i podržali izvršenje budžeta za 2012. godinu. Očekivali smo da ćemo dobiti tu informaciju do današnje sjednice, međutim nismo. Tražimo urgentno da se u što kraćem roku dostave ti podaci.”

Tursunović Esad:

“Nisam mogao da se ne javim, malo me potaklo pitanje ili inicijativa Fadila Mešića prema privredi. Fadile, slažem se da imamo dosta neosiguranih ljudi. Našoj firmi prije 15-20 dana došao je anonimni dopis inspekcije prema “Tursunpromu” za broj nezaposlenih radnika, odnosno radnika u radu. Znamo mi sve koje firme rade i kako rade. Treba imati petlju i javno izaći i reći. Drago mi je da ovdje imamo pet šest privrednika. Dobro mi znamo u kakvoj smo situaciji. Samo nas tretiraju kad kome šta treba oko donacije. Evo svi smo se sada odazvali za obdaniše. I treba pomoći obdanište, ali dokle više po nama udarati. Mi u očima budžetskih radnika, opštinaru, mi smo kriminalci, nismo privrednici. Dokle god se to ne promijeni, sve jedna sitnica, od podkivanja konja pa nadalje nas traže. Nismo banke, pa da toliko para izvlačimo. I druga stvar, zavoravio sam reći, ne znam kome da se obratim u vezi bezbjednosne situacije. Tražio bih da li vanrednu sjednicu ili hitan sastanak sa predstavnicima MUP-a. Ja znam da je kompletan MUP u državi, posebno kod nas u kantonu, u nezavidnoj situaciji, da nemaju ljudi malte ne šta obući. Po dvije godine hodaju u istoj odjeći, nemaju goriva, plata itd. Što se tiče njih lično i nastupa prema građanima, stvano su korektni. Ali evo kod nas u Stjepan Polju, za deset dana tri smrtna slučaja su bila. Ovo što rade sa radarom tronošcem, to je samo uzimanje para od građana. Kriju se s tim u živice i sve me strah da ih poskok neće ujesti, umjesto da izađu sa autima da rade preventivno, da vozači vide ta auta. Tad će se umanjiti i broj nesreća i svega, a oni stave tronožac kao da su na roštiljijadi. Samo parkiranje naplaćuju. Dokle više to.? Kolioko dnevno ide para i koliko više osiromašujemo građane? Nije nam to nikako rješenje.”

Fadil Mešić:

“Nisam vijećničko pitanje uputio ni jednoj firmi, a najmanje pojedincu. Znači, pitanje sam uputio Federalnoj upravi za inspeksijske poslove pa neka se oni bave time, da imamo podatke koliko koja firma ima radnika koji su neprijavljeni.”

Sjednici je pristupio i Puškar Hasan pa je prisutno svih trideset vijećnika Općinskog vijeća.

Dino Dedić:

„Postavljam vijećničko pitanje Općinskom načelniku i nadležnoj službi za zaštitu okoliša općine Gračanica. Moje pitanje glasi:

Povodom akcije „Let’s do it“ na području cijele BiH, da li će se šta raditi po tom pitanju u našoj općini? I u MZ-i Škahovica?

Obrazloženje: „Let’s do it“ je akcija čišćenja životne sredine koja traje cijeli dan u maju (18. 05. 2013.) na području cijele BiH A kao vijećnik u Općini Gračanica i predsjednik MZ-e Škahovica moja je dužnost da budem uključen u akciju i doprinesem njenom učinku.“

Prije nego se prešlo na raspravu o predloženom dnevnom redu za diskusiju se javio Mirsad Čamdžić:

“Evo slušali smo iscrpno ova vijećnička pitanja i sad je neko u holu kazao da ova vijećnička pitanja metaforično ovako predstavljaju “zid plača”. Govori se, a niko ne registrira. Ne znam predsjedniče da li ste Vi registrirali ovaj vapaj iz Lukavice, koji je došao koji je samo artikulacija jednog jada koji je zapao tu MZ-u i bila je ideja da se naredna sjednica održi u MZ-i Lukavica. Volio bih da čujem argumentaciju zašto se ne može održati pa da mi ovdje hladne glave raspravimo da li to ima smisla. Evo bliži se 25. maj, Dan odbrane Gračanice. Jednostavno smo prešli, predlagači su se ušutjeli i tako stalno imamo neka pitanja, teme, kojima ne posvećujemo nikakvu pažnju. Ona se samo ispale onako reda radi. Predlažem da nam date tumačenje, da li se možemo izjasniti, da li može biti. Ja želim da se sjednica održi u Lukavici, mene je ovo pravo inspirisalo. I da li mi možemo donijeti odluku da se održi u Lukavici naredna sjednica Općinskog vijeća ili ne možemo? Ako ne možemo i to je legalno i legitimno, ali da se izjasnimo ovdje. Ako nas šesnaest želi da se održi u Lukavici, da li može

da se održi u Lukavici? I predlažem da se vijećnici o ovoj inicijativi vijećnika Tursunovića izjasne glasanje, ukoliko to nije van propisa i van Statuta.”

Predsjedavajući Vijeća Edin Ibrišević:

“Kolegi Čamdžiću je vrlo dobro poznato da se sjednica i tonski snima i da ulazi u zapisnik i normalno da će biti registrovano i bit će u zapisniku sve, bilo ko da je šta rekao ovdje, u zapisniku se bilježi sve. Kad je u pitanju održavanje same sjednice, evo i ovi koji su malo iskusniji i duže u Vijeću poput predsjednika Kluba SDA, znaju da Kolegij Općinskog vijeća dogovara vrijeme i mjesto. I ova inicijativa će biti upućena na tu adresu, znači na adresu Kolegija Općinskog vijeća Gračanica.”

Hasan Puškar:

“Imam jednu inicijativu, pitanje ili kako hoćete. Cirkus od vijećničkih pitanja, hoće li se nastaviti da ovo bude cirkus ili će se ovdje početi poštovati Općinsko vijeće. Ja ne pamtim kad sam dobio odgovor na neko vijećničko pitanje ili kada je nekad pokrenuta neka inicijativa da sam dobio neki pismeni ili usmeni odgovor na tu inicijativu. Ali ne znam ni kad je ko od vas dobio neki odgovor. Ovo je izgleda kad se nekom čefne odgovara, a ako se ne čefne ne odgovara. Mogu shvatiti da se ne može do jedne sjednice odgovoriti, ali da se više sjednica za redom ne može dobiti odgovor na vijećničko pitanje, to ne mogu shvatiti. Ne mogu shvatiti da se iz Općine Gračanica, iz službi koje su vezane za Općinu ne može dobiti odgovor na vijećničko pitanje, a dobijem odgovor iz Direkcije cesta, iz Federalnog ministarstva i iz svih mogućih institucija BiH dobijem odgovor, a iz Općine još ni jedan odgovor na vijećničko pitanje nije došao. Osim ako nije vezano samo za Stručnu službu Vijeća, a bio je odgovor i od Općinskog pravobranioca. Stvarno nema smisla više. Mi samo ovdje zakon i mi smo vlast u ovoj Općini, nas trideset. Ja smatram da se nas trideset mora poštovati ovdje. To nema veze ni sa jednom političkom partijom, ni sa čim. Znači, mi kad nešto tražimo od nekoga taj nam mora odgovoriti, svima, i to je znači stvar poštovanja. Mi smo četiri godine dobili mandat ovdje i mi vladamo općinom i mi smo zakonodavna vlast na općini. I tako odgovara nama nikom drugom. Ovo nema veze ni sa jednom partijom ni sa jednom osobom. Nas trideset moraju poštovati, volili nas ili ne. Ja smatram da oni nama moraju odgovoriti na vijećničko pitanje. To je za mene totalno ponižavanje. Za znači ne pamtim kad smo dobili odgovor na vijećničko pitanje. Toliko.”

Zatim je dodao, pošto se priprema izmjena da se reguliše rok za dostavu odgovora na vijećničko pitanje. To je inicijativa.

Predsjedavajući Vijeća je naglasio da je Stručna služba blagovremeno sva vijećnička pitanja prosljedila na navedene adrese kojima su upućena.

Esad Tursunović:

“Pošto ne znam ta pravila, a kolega Mirsad reče, tražim da se izjasne vijećnici u vezi s tim i da to ide na kolegij Vijeća. Tamo su se stekli uslovi za sjednicu, dobili su struju i imaju struju, ako ne bude naći ćemo kakav agregat.”

Mujo Hasić:

“Evo nešto bih rekao povodom ove inicijative. Obzirom da se radi o pitanju, mi možemo tematsku sjednicu organizovati u jednoj od MZ-a. Redovne sjednice ne vidim ni jednog razloga da se održavaju u bilo kojoj MZ-i, pa i u MZ-i Lukavica. To je znači pitanje ili tema i slažem se za tematsku sjednicu, a ako ne, ja uopšte ne vidim razloga da organizujemo sjednice po MZ-a, bilo kojoj na području općine Gračanica.”

Ibrahim Hasić:

“Ja bih uputio jedno pitanje određenoj službi s obzirom da sam na jednoj od prethodnih sjednica uputio inicijativu prema načelniku i određenoj službi, a odnosi se na uzurpacije. Da li se šta pokrenulo po tom pitanju, ustvari da li se šta počelo raditi i dokle se stiglo?”

Rahim Gadžić:

“Vidim da se već otvara rasprava oko tih stvari, međutim ja bih jednu stvar da kažem. Ovdje je išla inicijativa i Općinsko vijeće treba da se izjasni o toj inicijativi. Kad se Općinsko vijeće izjasni, normalno da će kolegij Općinskog vijeća zakazati sjednicu. Da li ovu sjednicu ili neku narednu sjednicu zakazati u MZ-i Lukavica. Zna se procedura kako ide, ali neka Općinsko vijeće se izjasni i ja smatram da se treba o toj inicijativi izjasniti Općinsko vijeće, da li ono prihvata tu inicijativu za održavanje sjednice u takvoj MZ-i. Ja to podržavam i tražim od tebe predsjedavajući da ti daš inicijativu na izjašnjanje.”

Za riječ se javila Zehra Mujačić, sekretar Općinskog vijeća:

“Da razjasnimo jednu stvar. Kad su u pitanju vijećnička pitanja i inicijative, prema Poslovniku Općinskog vijeća, uopšte nije propisano da se o tome izjašnjava. Znači, svako vijećničko pitanje i svaka inicijativa koju vi uputite, ona završava u određenoj službi, tamo prema kojoj ste je vi uputili. Za slučaj da je ona nepravilno uputila mi dobijemo odgovor i ponovo je signiramo na službu koja bi mogla da da odgovor. Svaki odgovor kad vi dobijete mi vam ga šaljemo otprilike odmah na vašu adresu, a ponekad ako je bilizu sjednica Vijeća mi vam to stavljamo u materijal. Prema tome, ja ne vidim razloga da se izjašnjavamo o toj inicijativi, osim što je evo predsjedavajući kazao, da će inicijativa, obzirom da se odnosi na kolegij, na Poslovnik, to treba da vidimo je li uređeno Poslovníkom i da li može i bit će iznešeno na sjednici kolegija, pa ćemo donijeti zaključak po pitanju te inicijative. Toliko.”

Rahim Gadžić:

“Ja mislim da je ovdje inicijativa išla prema Vijeću i vijećnici su ovdje. Nije ona upućena ni jednoj drugoj instituciji od koje traži mišljenje. Ovdje se traži mišljenje općinskih vijećnika. Iz tog razloga mi tražimo da se glasa o toj inicijativi jer su ovo ti ljudi koji trebaju svi zajedno da odu i da vidimo da li je to njima prihvatljivo. Ako jeste, znači olakšat će posao kolegiju. Mi na kolegiju ćemo zakazati sjednicu. Znači mi iz tog razloga tražimo da se izjasnimo o inicijativi.”

Safet Pjanić:

“Samo da pomognem ako mogu u ovom dijelu vezano za sjednicu Općinskog vijeća. Mislim da nema nikakvog razloga da se ne održi sjednica u Lukavici, Malešićima, Prijekom Brdu i bilo gdje. Vlada federalna je zasjedala i u Travniku, i u Tuzli, i u Zenici, i u Mostaru, prema tome ovo je samo artikulacija volje vijećnika hoćemo li mi ili nećemo. Po zakonu mi ne glasamo jer to nije za glasanje, ali jeste za pravilo jesmo li mi za to ili nismo, kao dobrovoljno da kažemo da držimo sjednicu u Lukavici ili u bilo kojoj drugoj MZ-i. Prema tome ne treba od toga da bježimo. Oni su nas birali i mi idemo tamo prema njima, da se vidi jesmo li za to ili ne, a ne da se ovdje glasa. Nema glasanja oko toga.”

Predsjedavajući Vijeća je dao pauzu od deset minuta kako bi se sastao kolegij Općinskog vijeća.

Nakon pauze, a uz prisustvo svih članova Općinskog vijeća, predsjedavajući vijeća je iznio stav kolegija:

“Prihvata se inicijativa o održavanju sjednice u Lukavici, a bit će razmatrana na kolegiju Općinskog vijeća Gračanica.”

Hasan Fehratović:

“Ja se izvinjavam, naravno poštujem kolegij kao organ Općinskog vijeća, međutim s obzirom da nema potrebe da se šalje drugom bilo kojem organu, još da bi ovo bilo uvjerljivije predlažem da to bude zaključak Općinskog vijeća. Sekretar je malo prije kazala da se ne izjašnjava o inicijativi. To je uredu, ali se mi možemo uvijek izjasniti o zaključku po bilo kojem pitanju. Da to bude prijedlog i da Vijeće usvoji taj zaključak.”

Zehra Mujačić:

“Ja znam da se donosi zaključak i da se o zaključku izjašnjavamo ako je nešto na dnevnom redu. Ali vijećnička pitanja kad pričamo i vodimo razgovor u okviru vijećničkih pitanja i inicijativa, po meni se tu ne izjašnjava i ne donosimo zaključke nikakve u smislu zaključka kojeg ćemo mi objaviti u službenom glasniku, kao da je to po tački dnevnog reda. Ali kroz zapisnik će sigurno kolegij zakazati

jednu sjednicu na kojoj će se raspravljati o ovoj inicijativi i donijeti određeni stav koji će ići prema Općinskom vijeću.”

Prešlo se na raspravu o predloženom dnevnom redu 7. sjednice Općinskog vijeća.

Općinski pravobranilac, Jasminka Imširović je u ime Općinskog načelnika kao predlagачa, povukla sa dnevnog reda tačke 4. i 5.

Kratko se Vijeću obratio Fuad Alić, direktor JP “Vodovod i kanalizacija” Gračanica.

Učesnici u diskusiji su:

Hasan Puškar:

“Imam pravo diskutovati. Po Statutu da smo ga sad usvojili, vidjeli bi da smo prošli put na sjednici imenovali nezakonito nadzorne odbore. To je pod broj jedan. Pod broj dva, valjda da bi Statut ovdje došao bilo koji, treba da ga Skupština usvoji. Ni jedan Statut od ova dva nije Skupština usvajala, ni razmatrala jer je vjerovatno i nema. Pod broj tri, dva Statuta, dva javna preduzeća, srodna djelatnost, totalno različito napisana, u okviru nadležnosti. I treba malo ovo pročitati, za neke koji to ne čitaju. Znači, molio bih sljedeći put da se ne igra neko s nama, ipak je neko sjedio i danima ovo pripremao, diskusije, sve i onda se povlači sa dnevnog reda. Normalno da se povlači kad nije po zakonu. Niste po zakonu, parlamentarna većina prošli put imenovali nadzorne odbore, a i ova dva statuta što su donesena ovdje, nisu po zakonu ni oni napisani. Prvo, Skupština preduzeća mora usvojiti Statut. Druga stvar, imenujemo preduzeća, odnosno imenujemo nadzorne odbore prošli put. Po čemu. U starom statutu piše da visoka stručna sprema samo može biti u nadzornom odboru, dok je u novom zamijenjeno. Mi ovdje nismo ničiji igrači, ničije marionete. Mi smo ovdje vlast i neka neko nekad odgovara ko meni neke stvari stalno ovdje potura. Ovo je poturanje, a neka glasa ko hoće za ovo.”

Jasminka Imširović je dala odgovor:

“Vezano za nadzorne odbore željela bih, ja se eto javljam pošto sam malo više upoznata sa tim, znači nadležnost je propisana našim Statutom. Vezano za nadzorne odbore javnih preduzeća uvršten je način imenovanja. To je riješeno nije nezakonito nego je u skladu sa našim Statutom koji je važeći. Vezano za to da statut donosi skupština postupajući po rješenju, nije tačno. Agencija za privatizaciju je ostavila preduzećima određeni rok i naglašeno je u kom roku treba da se izvrše sve promjene vezano za to rješenje, a Zakonom o privrednim društvima je propisano da statut donosi osnivač. I to nije tačno da je ovo nezakonito da skupština donosi. Uobičajena je praksa da statut, odnosno izmjene njegove donosi skupština. Nadležnost skupštine su izmjene i dopune statut, a donosi osnivač. JP “Vodovod i kanalizacij” je upisano u registar sa ovim promjenama. Znači upisano je, kao jedini osnivač Općina Gračanica i temeljni kapital koji sam rekla, prihvaćene su izmjene u registar na osnovu rješenja agencije.”

Hasan Puškar je replicirao:

“Nije loše malo ovo pročitati prije nego se izađe nešto tvrditi. U ovom novom Statutu član 25. kaže, nadležnosti Skupštine, stav 3. kaže, donosi Statut, njegove izmjene i dopune Skupština. A ko to mi, imenuje. Mi imenujemo a na osnovu čega. Na osnovu zakona, a zakon je u tom preduzeću Statut. Znači Statut donosi Vijeće, a Skupština ga predlaže. I da statute sljedeći put ako hoćete da se

to jednoglasno i bez diskusije usvoji da sve nadležnosti i sve drugo bude isto u oba preduzeća, a ne kao što sad stoji u jednom preduzeću nadzorni odbori imaju jedne nadležnosti, a u drugom nemaju. Da unekoliko statutu budu identični.”

Hasan Fehratović:

“Pravobraniteljica, dakle u ime predlagачa je kazala da je načelnik konsultovao neke političke stranke vezano za povlačenje tačke sa dnevnog reda. Gospodin Fuad Alić, direktor JP “Vodovod i kanalizacija je rekao, citiram, da smo prošli puta donijeli Odluku o nadzornim odborima i po jednom i po drugom pitanju, ja ću kazati da jedanaest vijećnika SDA nije u ovome učestvovalo, niti je nas ko konsultovao niti smo prošli put glasali. I drago mi je što smo tako postupili jer smo na vrijeme sugerisali

i ukazivali da su prethodna rješenja nezakonita. I drago mi je što nas nisu ni konsultovali ni oko povlačenja. Drugo, o ovome je raspravljala i Komisija za propise i Statut i ja sam bio pripremio određene stvove. Nema potrebe da ih iznosim pošto su tačke povučene. U nekoliko članova Statuta mi smo takođe sugerisali da se izvrše odgovarajuće izmjene jer je tu bilo preplitanja kolizija sa zakonom.”

Predsjedavajući Vijeća je zatvorio diskusiju i pričitao dnevni red 7. sjednice Općinskog vijeća Gračanica koji glasi:

1. NACRT-REGULACIONI PLAN „CENTAR“ GRAČANICA
Izjavitelj: Aida Hodžić, šef Službe
2. NACRT-ODLUKA O DODJELI OPĆINSKIH PRIZNANJA
Izjavitelj: Hasan Fehratović, predsjednik Komisije
3. ODLUKA O PROMJENI STATUSA NEPOKRETNOSTI U OPŠTOJ UPOTREBI
Izjavitelj: Aida Hodžić, šef Službe
4. IZVJEŠTAJ O RADU I FINANSIJSKOM POSLOVANJU JZU DOM ZDRAVLJA GRAČANICA ZA 2012. GODINU
Izjavitelj: Zehra Karahasanović, direktorica
5. IZVJEŠTAJ O RADU I FINANSIJSKOM POSLOVANJU JZU OPĆA BOLNICA „DR. MUSTAFA BEGANOVIĆ“ GRAČANICA ZA 2012. GODINU
Izjavitelj: Said Gazibegović, direktor
6. IZVJEŠTAJ O RADU I FINANSIJSKOM POSLOVANJU JZU „GRADSKA APOTEKA“ GRAČANICA ZA 2012. GODINU
Izjavitelj: Nadira Kulenović, direktorica
7. INFORMACIJA O ODRŽAVANJU CESTA I JAVNE RASVJETE U MJESNIM ZAJEDNICAMA I GRADU
Izjavitelj: Zijad Dedić, šef Službe
8. INFORMACIJA O STANJU LOKALNIH I NERAZVRSTANIH CESTA NA PODRUČJU OPĆINE GRAČANICA
Izjavitelj: Zijad Dedić, šef Službe
9. INFORMACIJA O IZGRADNJI BENZINSKIH PUMPI NA PODRUČJU OPĆINE GRAČANICA
Izjavitelj: Aida Hodžić, šef Službe
10. INFORMACIJA O REALIZACIJI AKCIONOG PLANA SOCIJALNOG UKLJUČIVANJA U SISTEM SOCIJALNE/DJEČIJE ZAŠTITE U ODNOSU NA OBLAST VODOSNABDIJEVANJA OPĆINE GRAČANICA ZA 2012. GODINU
Izjavitelj: Razija Junuzović, državni službenik
11. PREDSTAVLJANJE REALIZACIJE PROJEKTA U OPĆINI GRAČANICA „DEMOKRATSKA EKONOMSKA UPRAVA VODOSNABDIJEVANJEM , MDG-F“ (video-prezentacija)
Izjavitelj: Razija Junuzović, državni službenik
12. RJEŠENJA I ZAKLJUČCI IMOVINSKO-PRAVNE SLUŽBE
Izjavitelj: Aida Hodžić, šef Službe

Dnevni red je usvojen jednoglasno sa 30 glasova “ZA”. Prešlo se na rad po dnevnom redu.

TAČKA 1:

NACRT-REGULACIONI PLAN „CENTAR“ GRAČANICA

Uvodno obrazloženje po prvoj tački dnevnog reda dala je Aida Hodžić, šef Službe za prostorno uređenje, geodetske i imovinsko-pravne poslove. Prvo je pozdravila predstavnike Instituta IPISA-e iz Sarajeva Andreu Pavlović i Damira Lukića, koji su kao nosioci izrade nacrtu Plana prisutni na sjednici kako bi elektronski prezentirali nacrt Plana. Kratko je upoznala članove Vijeća zašto je nacrt Plana na dnevnom redu, a elektronsku prezentaciju nacrtu obrazložio je Damir Lukić.

Učesnici u diskusiji su:

Hasan Puškar:

„Imam jedno pitanje. Godinama se insistira na pokrivanju, djelimičnom pokrivanju korita rijeke Sokoluše. I navodno se to ne smije zbog nekih stogodišnjih voda. Takva je priča do sada bila. Sada evo u toku izgradnje mosta, ista je priča, nivo, visina, širina, hoće li se to podnijeti ta neka voda ako nekada nadodje. Ali evo sad vidim u Planu Vi predviđate potpuno pokrivanje korita rijeke Sokoluše kod postojeće autobuske stanice. Sad me interesuje, je li to predviđeno u tome ili je to prije bila neka priča ili se to pravi nekom prostor u tom planu? To me interesuje.“

Mujo Hasić:

„Meni je žao što sam izašao na početku izlaganja nosioca izrade i nisam čuo za ovo. S obzirom da je ovo u nacrtu bit će znači iznešen i sud javnosti i reći će građani ove općine, koji izdvajaju sredstva za strukturu, šta žele da imaju u ovoj općini ili ne. Ovdje kod sportske dvorane, mislim da bi bilo sasvim logično i normalno da se predvidi sportski poligon. Neće više učenici srednjih škola prelaziti regionalni put da bi obavljali časove tjelesnog odgoja na otvorenom, neog vjerovatno bi trebao da bude pored sportske dvorane, a lokalitet onaj postojeći u vlasništvu Rukometnog kluba vjerovatno će se predvidjeti za neke druge svrhe. Ja nisam osoba koja ovdje daje sud a eventualne moje ideje će biti dat prilikom javne rasprave, ali ne znam samo IPISA je iz Sarajeva, je li tako, zamislite da ste vi u Sarajevu predvidjeli natkrivanje Miljacke. Nadam se da će bit to realizovano, a znate li kada, nikada.“

Hasan Puškar:

„Nadovezujem se na Mujino i postavljam pitanje, čija je ideja da se pored sportsko-rekreativnog centra, budućeg napravi objekat za stanovanje? To je znači između rijeke i objekta, tako je nacrtano. Je li to ideja firme koja je radila projekat ili je to sugestija nekoga iz Gračanice? To je sportska dvorana na Bazenu i izložili ste da se planiraju dva stambena objekta do skejt poligona.“

Aida Hodžić:

„Nema tu nikakvih stambenih objekata predviđenih. Vjerovato je u izlaganju neko prečuo, neko nije čuo. Tu su predviđeni sportski tereni. Samo je Damir naglasio za skejt teren i tu nema objekata planiranih.“

Vehid Osmanović:

„Klub vijećnika SDP-a će podržati ovaj nacrt, ali bi zaista i ovdje za ovom govornicom pozvali građane da se maksimalno uključe u javnu raspravu jer ovdje ima dosta stvari koje utiču na našu budućnost., koje su predviđene ovim planom i koje se nekom sviđaju a nekom ne. Ali građani da ipak odluče, a ne mi ovdje u Vijeću, nas trideset, nego da oni svojim primjedbama i sugestijama odluče kakav žele centar grada.“

Odgovor na pitanje Puškara oko pokrivanja rijeke Sokoluše dao je Damir Lukić:

„Pokrivanje rijeke Sokoluše je bila smjernica nosioca pripreme koji smo mi morali implementirati u ovaj plan i kao ideja mi se naravno sviđa. To se planira i u Sarajevu, a i u većim evropskim gradovima. U Sarajevu je to ispred lokacije Akademije likovnih umjetnosti. Mislim da je to potrebnije u Gračanici nego u Sarajevu, jer je prenaseljena i vapi na nekim trgov.“

Andrea Pavlović je dodala da je to i tehnički moguće bez obzira na te neke vode.

Hasan Puškar:

„Zahvaljujem se na odgovoru. Znači inicijativa i smjernice su potekle od Službe Općine Gračanica, je li tako. Prilikom usvajanja Odluke o pristupanju izrede Plana tada nam to niko nije rekao u toj početnoj ideji. Godinama se pokreće ta inicijativa, ali evo sada je i izvodiva i niste Vi za to krivi jer ste postupali po smjernicama i drago mi je da ste dali odgovor.“

Aida Hodžić je ponovo dala odgovor:

„U toku važenja plana, u toku izrade plana općinska služba, kao servis prikuplja sve sugestije, primjedbe i inicijative građana. Imali smo takve inicijative i dužnost nam je bila da ih prosljedimo nosiocu izrade plana, da ocijeni da li je to nešto takvo moguće ili ne. U starom planu je postojalo natkrivanje Sokoluše u važećem, i tu u dijelu sada izmijenjenog kod Žitokombinata. Imate prvu kartu, stari plan, možete to vidjeti. Takođe i na području autobuske stanice, sa pravljenjem jednog trga. Dakle, nije novo, to je bili i prije.“

Predsjedavajući Vijeća je zatvorio raspravu i predložio zaključak u vezi sa Nacrtom koji glasi:

- Usvaja se Nacrt Regulacionog plana „Centar“ Gračanica.

Nacrt Regulacionog plana „Centar“ Gračanica, stavlja se na javnu raspravu u trajanju do 29. 05. 2013. godine.

Javnu raspravu će provesti Služba za prostorno uređenje, geodetske i imovinsko-pravne poslove, u skladu sa sa odredbama koje se odnose na provođenje javne rasprave Poslovnika Općinskog vijeća Gračanica („Službeni glasnik Općine Gračanica“, broj: 1/06) i Odlukom o javnim raspravama u općini Gračanica („Službeni glasnik Općine Gračanica“, broj: 5/04).

Zaključak je usvojen jednoglasno sa 30 glasova „ZA“.

TAČKA 2:

NACRT-ODLUKA O DODJELI OPĆINSKIH PRIZNANJA

Uvodno obrazloženje za drugu tačku dnevnog reda dao je Hasan Fehratović predsjednik Komisije:

„Pokušat ću kratko. Nadležna komisija je shodno Odluci o općinskim priznanjima na vrijeme započela aktivnosti za dodjelu općinskih priznanja, tako što smo blagovremeno uputili dopise prema vijećnicima, MZ-a, političkim partijama, javnim ustanovama i drugim kolektivima. Oglašeno je na Radio Gračanici, web stranici Općine itd. Nakon isteka roka koji je bio 01. 04. 2013. godine, Komisija je održala dvije sjednice 15. 04. i 18. 04. 2013. godine, na kojima su razmatrani pristigli prijedlozi za dodjelu općinskih priznanja. Naravno u formi ncrta i mi smo evo ovakvu odluku i dostavili općinskim vijećnicima na razmatranje. Uz nacrt Odluke dostavljen je i tabelarni prikaz svih predlagača i svih predloženih, a klubovima vijećnika su dostavljena i pismena obrazloženja za sve kandidate i kolektive. Iz tebele proizilazi da je za priznanje Zlatna plaketa predloženo deset kolektiva i to, ovo zbog jvnosti da se zna: d.o.o. „Fortuna, KUD Lukavica, Udruženje mladih ANEA Gračanica, HO „Merhamet“, d.o.o. „Maško“, Udruženje građana „Gračaničko keranje“, MZ-a Džakule, d.o.o. „Alibegovićplast“ i Organizacija ratnih vojnih invalida. Za Zlatnu značku predloženo je deset pojedinaca i to: Subašić Ibrahim, Kruškić Mehmed Lukavica, Ćurić Amel Gračanica, Mujkić Jasmin, Mašić Amir, Hadžić Abdulah, Hasić Sabina, Kadić Jusuf, Hevešević Hajrudin i Jukan Idriz. Za priznanje Počasni građanin predložena su tri kandidata i to: Mario Fiorin Italija, Lilian Čolić, Gračaiica i Nihad Halilbegović. Na osnovu već predloženog, što sam već napomenuo, Komisija je zasijedala dva puta i naravno mi smo imali obavezu da iznesemo, odnosno utvrdimo odgovarajuće prijedloge, ne možemo znači izaći sa čistim papirom. Nije bilo u toku pojedinačnih prijedloga, sve je jednoglasno. Na kraju smo utvrdili ovakav prijedlog na osnovu nekakve relativne većine, gdje smo se pojedinačno izjašnjivali o svim ovim kandidatima. Odluka nije naša, Odluka je Općinskog vijeća i ono će se u narednom periodu o ovome izjašnjavati. Mi smo u ranijem periodu izmjenom Odluke utvrdili da prva odluka ide u formi nacrta kako bi se unutar Općinskog vijeća, dakle nije ona klasična javna rasprava, ostavilo prostora do naredne sjednice da se konačno i utvrdi prijedlog Odluke o općinskim priznanjima. Zbog toga predlažem sljedeći zaključak. Da klubovi vijećnika, a naravno i ostali vijećnici u Općinskom vijeću koji nemaju

klubove dostave eventualne primjedbe do 17. 05. 2013. godine, dakle petak, kako bi ostalo prostora i Komisiji i Stručnoj službi Općinskog vijeća da izradi prijedlog Odluke.“

Na raju je pročitao prijedlo nacrtu koji glasi:

Član 1.

Općinsko priznanje Zlatna plaketa dodjeljuje se:

1. UDRUŽENJE „GRAČANIČKO KERANJE“ GRAČANICA
2. ORGANIZACIJA RATNIH VOJNIH INVALIDA – ORVI GRAČANICA

Član 2.

Općinsko priznanje Zlatna značka dodjeljuje se:

1. HADŽIĆ AVDULAH, STJEPAN POLJE
2. HASIĆ SABINA, GRAČANICA
3. MAŠIĆ AMIR, GRAČANICA

Član 3.

Posebno općinsko priznanje Počasni građanin općine Gračanica, dodjeljuje se:

1. ČOLIĆ LILIAN, GRAČANICA

U diskusiji su učestvovali:

Esad Tursunović:

“Javljam se povodom ovih općinskih priznanja. Ne znam koja kategorija ljudi, udruženja i svega treba da zdovalji ovo sve. Evo imam pritisak. Skoro me zvao, evo kolega Mirza je prisutan i on zna, Nedžad Durmić koji je čuo da se dijele priznanja pa je htio doći danas ovdje da uzme priznanje. Kad sam mu pojasnio da je to nemoguće, da odlučuje općinska većina, odustao je. Prvo bih krenuo od Udruženja “Gračaničko keranje”, nemam ništa lično protiv tog udruženja. Smatram da su zaslužili po ovoj njihovoj statistici, odnosno dopisu što su sve uradili i apsolutno se slažem da ih treba podržati. Organizacija RVI-a, neka je neko uvrstio i RVI-e zato što tu vojnu populaciju lično volim i podržavam. Međutim sama njihova organizacija je se svela, grubo ću se izraziti, svela se na njihov lični interes i neširoko djelovanje. Povodom Dana armije, sad kad smo imali, zašto se nisu oglasili. Nas je stid. Stid je nas naše armije. Imali smo ovdje prije nekoliko dana manifestaciju u BKC-u i svaka čast ljudima u Drugom svjetskom ratu koji su zaslužni i sve, ali kako sam gledao na snimku samo deset-petnaest ljudi. Zahvalio bih se načelniku koji je izašao i podržao naše šehida, odnosno vojnike koji su poginuli. U RVI-a ne znam da li imaju podatak. Ja lično nisam htio predložiti nikog iz Stjepan Polja da ne bi degradirao te ljude, da se ne bi ovdje ismijvali, zato što parlamentarna većina odabire koga hoće. Firma “Trgovir”, Vehid Brkić je u zadnjem periodu zaposlio od 10-15 RVI-a. To bi mi vijećnici iz Stjepan Polja trebali dobro znati. Sad prelazim na ovu drugu tačku Odluke, općinsko priznanje Zlatna značka. Hadžić Abdulah, mještani Stjepan Polja, komšija naš, čestit čovjek, domaćin. Uistinu ovo što je napisao gore, za spašavanje jednog ljudskog života u autu, to se desilo i spasio je. A u ovom drugom dijelu Feriz Smajlović, vlasnik Fesme, to sam preispitao i to veze s vezom nema. Velike bujice 2000. godine kad su nadošle, mašile most, krenule prema Karanovcu i sletio je u jarak i sam je izašao kroz prozor. Jedino možda je bio neki drugi događaj. To nema veze. Zamolio bih, po ovoj tački za našeg Abdulaha, predsjedavajućeg Edu, koji već gura taj prijedlog tri-četiri godine. Ne znam baš zbog ostalih građana Stjepan Polja i naroda, kako Edine Ibriševiću da pogledamo ljudima u oči. Da si predložio njegovog brata Fuada koji je jedini ostao u stroju kad je pala granata u kasarni u Tuzli, svi su pobjegli, a jedino je on sabirao ljudske ruke i noge. I da ne nabrajam dalje Edine. Jednog Hajrudina Džebu koji je bez ičije volje i znanja sabirao ljude, a volio bih da je tu Suljo Mehanović kojeg je lično on razmijenio, a baš kategorija za Zlatnu značku u saobraćajnoj nesreći. Svaki dan nam se dešava. Evo neki dan kod ZEKE auto je udario i ljudi su izvukli. Razmiješ, baš je ovo degradiranje skroz. Hasić Sabina, gospođu

ne znam, malo sam čitao njene karakteristike, po meni samo što je u SDP-u. Ne znam možda griješim. Mašić Amira znam kao čovjeka koji non-stop nešto piše, dopisuje se i po meni je to ispravno. Isto za gospođu Čolić Lilijan, ne poznajem je ali znam kroz njenog muža Dinu Čolića koliko se zalažu za Gračanicu, za sve te stvari, doprinos, poboljšanje i humanitarne akcije. Ja lično neću ovo podržati. Ne interesuje me ni stav kluba ni nikoga. I treba objasniti građanima Stjepan Polja. Toliko.”

Mujo Hasić:

“Evo s obzirom da je Odluka u formi nacрта imat ću prilike eventualno da predložim neke izmjene. Ja u principu nemam ni protiv jednog ovog prijedloga ništa. Jednostavno, znači i ovi kao i mnogi drugi, vjerovatno su zaslužili priznanje. Ali me nešto bode u oči, a to je. Ne mogu da vjerujem da ovdje nema među dobitnicima Zlatne plakete ni jednog privrednog subjekta. Ovo su udruženja. Ja duboko cijenim i poštujem njihov rad, ali da nema ni jednog privrednog subjekta da dobije to kao najveće općinsko priznanje, Zlatnu plaketu, to ne mogu da vjerujem. I onaj koji zapošljava pet radnika, a pogotovo oni koji zapošljavaju veći broj radnika su daleko zaslužniji da ga dobiju. Ovo je jasna poruka svim poslodavcima, među kojima sam i ja, da mi trebamo samo onda kada trebamo dati pare za sport, kulturu, obarazovanje, kad trebamo opremiti salu Policijske stanice, kad trebamo pomoći u dogradnji i opremanju određenih zdravstvenih ustanova, obdaništa, kad trebamo pomoć pružiti svim socijalno najugroženijim kategorijama stanovništva. Tad mi trebamo. A kadad treba da nas se nagradi i za naš rad i za društvene odgovornosti onda nas nema nigdje. Zaista ovu odluku treba preispitati, naći mogućnost da se dodijeli jedno priznanje nekom od pravnih subjekata, poslodavaca sa područja općine Gračanica jer su svojim radom u dosadašnjem periodu, a hvala Bogu i u budućem, sigurno zaslužili dakako više nego neki, eventualno ne umanjujući značaj i doprinos svih ovih ovdje koji su predloženi u Odluci.”

Esad Tursunović:

“Zahvalio bih se kolegi Muji, to sam isto lično htio iznijeti, što se tiče privrednih subjekata, ali sam zaboravio. Dosta, dosta firmi imamo u ovom lošem ekonomskom okruženju i situaciji koje zapošljavaju RVI-e, demobilisane borce i sve ostale. Evo bilo je par prijedloga, a niko nije našao za shodno da uvrsti ni jednu firmu. Tu je “Index”, “Maško”, a na prošlom izlaženju kad sam dao odgovor kolegi Mešiću, evo ponovo nam se dešava to isto da ni u jednoj kategoriji privreda nije uvrštena. Toliko smo podcijenjeni od svih. Lično mene ne zanima politička, odnosno u Gračanici ni nema političke firme. Sve su firme zasnovane na bazi privrede i ličnih sredstava i smijem garantovati da ni jedna politika ne gura ni jednu firmu. I bilo ko da predloži kvalitetnu firmu ja sam taj prvi koji će glasati za firmu. A imamo firmi, evo “Variplast”, skoro je zaposlio 15-20 ljudi, ulazi u novi proces energetskog sektora, Vahid “Trgovir”, petnaest invalida, petnaest ljudi evo do petnaestog zapošljava, “Zekakomerc” itd. itd. Kod nas je po prirodi najgora stvar, kaže dobio je prošle godine, ili pretpošle. Mi u privredi znamo sami koliko uradimo šta za godinu dana. Nisam htio iznijeti podatak namjerno u predizbornoj kampanji. A znaš Edine, MZ-a a i ostali iz Stjepan Polja, MZ-a Stjepan Polje i privreda Stjepan Polja u kratkom periodu, zadnje dvi, tri, četiri godine, zbrinuli smo pet nezbrinutih slučajeva, odnosno pet krovova nad glavom smo naprville, demobilisanim borcima, socijalnim slučajevima. Sad sam trebao to iznijeti da se ismijavamo ovdje. Nismo radili iz razloga zlatnih plaketa, nego iz humanitarnih razloga. A ovo što kažu, prošle godine bio ili pretpošle godine, veće s vezom nema. Čovjek ako vrijedi, daj da ga podržimo. On radi. Toliko.”

Predsjedavajući Vijeća je naglasio da ima pravilo o tome.

Hasan Puškar:

“Dodjeljuju se priznanja po Odluci, a u Odluci piše od pet godina ne smije, odnosno ne može više dobiti ako je već dobio priznanje. Ja ću se držati liste. Ovdje imamo prijedloge i iz okvira ovih prijedloga mi ne možemo izlaziti, koliko ja znam po pravilima, je li tako. Ovo ko je predložio predložio je, mi dalje nikog ne možemo tražiti. Što imamo, tu nam je na raspolaganju. Samo mi je nezamislivo, a u stvari dosadašnja je praksa, ja mislim bila da uvijek ide jedan privredni subjekat i jedna neka mjesna zajednica ili udruženje građana. To je dosadašnja praksa bila, ja mislim, osim prošle godine. Prošle godine su bila dva privredna subjekta. Ja potpuno podržavam da se ovdje trebao uvrstiti jedan privredni

subjekat i neko udruženje, što odluči komisija i nama predloži. Drugo, Zlatna značka ja mislim da treba da ide za rad u društveno-političkoj zajednici itd. itd. Neko ko je svoj život žrtvovao za društveno-političku zajednicu. Meni je nezamislivo da za Zlatnu značku ovdje komisija nije predložila Jusufa Kadića. To je čovjek koji je čitav život proveo u društveno-političkoj zajednici, radeći. Nije sve sigurno bio njegov lični interes, bio je bar 50% volonteriziran. U Fudbalskom savezu uvijek je uključen itd. Tako, moj bi lični prijedlog bio da se za Zlatnu značku uvrsti Jusuf Kadić. Ja mislim da je to veliki propust komisije koja je pravila ovu odluku. Ta komisija neka odluči. Nije nas pitala ni kad je pravila ovaj prijedlog. Ja smatram da Juduf Kadić treba dobiti Zlatnu značku.”

Nihad Krajinović:

“Prvo, žao mi je što iz drugih političkih opcija i stranaka nije bilo prijedloga, nadam se, za još uvijek, vrijedna općinska priznanja. Postavljam pitanje komisiji. Šta je opredijelilo Komisiju za izbor i imenovanje u ovoj odluci? Je li to broj kandidatura? I žao mi je zaista što nije podržan nijedan privredni kolektiv iako to zaslužuju. Pitam dakle, po kojim parametrima su utvrđivali vrijednost pomenutih, pa bih evo jedan prijedlog komisiji, ako je to do njih, za naredne godine da preciziraju bodovanje kako bi se otkonile nedoumice i različita nagađanja oko vrednovanja djelovanja kolektiva i pojedinaca i što bi komisiji svakako olakšalo rad.”

Fadil Mešić:

“Predsjednik komisije prilikom bodovanja dva kandidata za Zlatnu značku, Amela Ćurića iz Gračanice, koji je po mom mišljenju sigurno trebao biti uvršten umjesto jednog ovog prvog, jer su dobili po jedan prijedlog. Ne znam čime ste se rukovodili kad općinska priznanja svake godine u Gračnaci izazivaju turbolenciju. Htio sam na početku reći da podržavam inicijativu Muje Hasića. Tačno je da ovdje nema ni jednog privrednog subjekta i umjesto tri trebaju biti sva tri privredna subjekta, a na poziciji u tački broj 1. samo dva iz ovih. Prema tome to bi bila jedna realnost. No parlamentarna većina, ma ko se ovdje predložio će odlučiti, kako će odlučiti šesnaest ruku, nažalost. Po mom mišljenju je Amel Ćurić daleko bio ispred svih i ne znam kako ste bodovali, kako ste ocjenjivali.”

Safet Pjanić:

“Već je kolega Puškar dosta toga rekao i zaista evo i ja se tome pridružujem, da bi trebalo biti u prijedlogu jedan od privrednih kolektiva jer zaista to je iz razvoja općine i zaslužuju da to bude u toj odluci. Isto tako i kod zlatnih značaka treba cijeliti kompletan doprinos pojedinaca i shodno tome i donijeti odluku. Mislim da bi trebali vidjeti kriterije za dodjelu najvećih općinskih priznanja. To zaista dobro isprecizirati kako bi komisija što je moguće manje pogriješila. Sad je svo drvlje na komisiju. Međutim komisija je imala te prijedloge koje je imala. Što kažu, malo brašna malo i pogače. Ali i sada nije kasno. Nacrt je Odluke i možda bi trebalo vidjeti da se uvrsti jedan kolektiv to nije nikakav grijeh. I mislim da prijedlog gosp. Puškara za Jusufa Kadića je zaista na mjestu. Amel je još mlad dječko, on je polu Gračanlija, tako da se neće naljutiti itd.”

Mirsad Čamdžić:

“Ja ću se složiti sa ovom opaskom koja je krenula od Muje pa nadalje za ignorisanje privrednih subjekata u ovoj odluci. Naime, nažalost šaljemo stalno takve poruke i ja sam jednom ovdje sa govornice postavio pitanje da se bar simbolično obezbijede dva mjesta za gračaničku privredu kako bi se poslala poruka prema privrednicima od korisnika budžeta i misli na njih i onda sam dobio da je taj prijedlo odbijen i malte ne ismijam, da ne treba nikom ostavljati parking. Slažem se sa ovim potpuno. Iskoristit ću evo kolegu Nihada, neće on meni zamjeriti. On je pripremao tu emisiju koja je bila jedna od najslušanijih u posljednje vrijeme, sa sajma Grapos-Ekspo 2013. kad ga je Zlata Behram zamolila da pripremi i animira nekoliko Gračanlija, koje bi s ponosom mogli predstaviti na Federalnom radiju. I on se sam evo odlučio, svjedok je tu, za Amela Ćurića te Jasmina Mujkića. Jasmin Mujkić, vjerovatno ne može proći ovdje od Gračanlija. Nije čovjek sa naše općine, napravio pravu revoluciju u Gračanici i to je jako teško progutati. Međutim, kad je Naša stranka predložila, da budem otvoren, Amela Ćurića što je nažalost eto ovdje otežavajuća okolnost, svi su nas pitali, kako da Amel nikad nije dobio nagradu. Amel Ćurić je jedan o najpoznatijih, da li vi to prihvatili ili ne, jedan od deset najpoznatijih ličnosti sa područja općine Gračanica. Svakodnevno se eksponira kao Gračanlija na TV-u, na radio-stanicama, na

stotine humanitarnih koncerata. Međutim, ovdje neko može izgleda pomisliti ne daj bože, ko je u kakvoj stranci, ko koga predlaže, a naravno toga nema, a nema ni u kriterijima, kao što nije bilo ni za izbor upravnih odbora, dakle samo kvalitet, struka i zasluge, a ne politika, kao što smo se i do sada uvijek rukovodili. Evo ja podržavam ovo što je Fadil Mešić rekao, da posebno pokušamo pocrtati za Amela Ćurića jer je momak za koga ne treba posebno trošiti riječi.”

Vehid Osmanović:

“Jasno je da je uvijek teško izabrati one najbolje. Odu i na olimpijske igre pa treći neko bude, a onaj četvrti ne dobija ništa. Mene ovdje čudi samo indolentnost, prije svega nas vijećnika, a pogotovo institucija, građana, privrednika, koji su dobili javni poziv, a da imamo ovako malo prijedloga. Zaista je prijedloga malo, iako vidimo da bi možda i pet zlatnih začaka i bilo čega, bilo dovoljno. Evo dvojica su se javila i vjerovatno će reći da nisu predlagali jer ljudi ne bi prošli. Nije to tako. Imali smo mi priliku da ranije imamo i po tri zlance plakete i po pet zalanih začaka, pa je to prije dvije godine smanjeno, kao zbog deficita. Nemamo dovoljan broj kvalitetnih ljudi, kolektiva koji bi to trebali dobijati. Znači ovdje trebamo zaista predlagati puno više ljudi. Žao mi je što ovdje nema po pedeset prijedloga za Zlatnu plaketu i po pedeset prijedloga za Zlatnu značku. Mislim da mi u Gračnaci imamo toliko ljudi i toliko kolektiva koji zaslužuju ova priznanja. Ali se ovdje ipak sve svelo izgleda na lobiranje, de ti predloži mene, ja ću tebe. Ne može Merhamet predložiti petnaest njih. Određene institucije mislim da i lobiraju da budu predložene.”

Esad Tursunović je replicirao:

“Bio si prisutan lično za mog oca kad je bilo. Znaš Husu, lično poznaješ Husu. Ti si ga odbio. Nebitno. Mogli smo dobiti nakon slučajeva. Milion slučajeva je SDA mogla staviti, Naša stranka, Fadil Mešić. Ono dvoje, njih niko ni u šta ne broji. Ne bi ništa dobili. Samo bi džaba ljude izlagali smijehu. Je li to treba. Evo ja sam ti rekao konkretno za Stjepan Polje. Koliko imamo slučajeva za zlatne značke. Šta bi vrijedilo. Nemojte tako.”

Hasan Puškar:

“Ja govorim u ime Kluba vijećnika SDA. Ja sam uključen pet godina aktivno, znači u glasanje kad glasamo za ova priznanja, a i prije sam bio uključen. Pet godina Klub SDA, vijećnici ili bilo ko smo predlagali određene ljude, kolektive, MZ-e itd. Parlamentarna većina nije htjela da razmatra uopšte to, na čelu sa SDP-om Vehide kojeg si ti trenutno predsjednik Kluba. I ti to znaš, jer si i ti bio vijećnik prošli put, pola mandata. Znači što bih ja džaba predlagao kad znam da to sigurno neće razmatrati, uopšte neće uzeti u obzir. Druga stvar, tražimo da što više predložimo kolektiva itd. Zašto se komisija nije rukovodila ko od određenih kolektiva, “Index” i slično je više puta predlagan, a uopšte nije uzet u razmatranje. A u prijedlog Odluke je stavila jedanom prijedlog iz završeno. Imaju kriteriji po kojima treba da radi ova komisija za dodjelu općinskih priznanja. Međutim, ta se komisija vjerovatno nije držala tih kriterija. Ovo su očito politički poredana priznanja. Ja smatram da o ovom uopšte ne treba raspravljati i da komisija treba ponovo sjesti i razmotriti ova priznanja, na čelu sa predsjednikom komisije.”

Mirsad Čamdžić:

“Evo samo malo odgovor gospodinu Osmanoviću, koji se pita zbog čega nema prijedloga, a onda nisu građani, a poslije je na upadicu jednog vijećnika sam dao i odgovor. Dođe slučaj kao i sa Budimirom, nažalost. Ukoliko se nastavi na istragom protiv kriminalaca tad ćemo svi vjerovati da je došao red i vrijeme i način da se obračunamo sa kriminalom. Ukoliko stane na ovome i ništa se više ne desi narednih godinu dana, znat ćemo svi da je instrumentalizirano iz drugih motiva. Šta hoću reći. Ukoliko mi ovoga puta iskoristimo da konačno presiječemo da najveću odgovornost za ovo ima parlamentarna većina jer znam da nije instrumentalizirano iz parlamentarne većine, ovako kako je. Znam da nije, a možda iz spontane akcije je ispao ovakav nacrt Odluke. Ukoliko se sada pošalje poruka jedne čestitosti da se zaista ne dovode ljudi u vezu sa simpatijama jedne političke opcije, tada će se građanima vratiti povjerenje i smisao za predlaganje i dignitet ovoj znački. Dakle, ovdje imamo jednu odgovornost da bi mogli napraviti da se konačno napravi čestitiji beskompromisniji povod u komisiji i da se odaberu ljudi za koje nikako neće reći, zašto ste njih. Tako ćemo vratiti povjerenje. Nikom ovdje

ne treba staviti krivicu, vrlo su osjetljive stvari, subjektivne, različite ocjene, ali evo prilike da komisija sjedne i da radikalno raščisti sa ovim i jednom radikalnom porukom javnosti pokažemo da možemo bolje. Iz ovoga što imamo predloženo još uvijek se može izabrati nešto kvalitetnije i bolje.”

Dino Dedić:

“Evo ja bih da odgovorim Esadu. Prošle godine na inicijativu LDS-a mi iz Škahovce smo predložili Leopolda Marcolonga, bivšeg načelnika grada u Italiji. To je bio naš prijedlog za počasnog građanina općine Gračanica i usvojen je i taj gospodin je počasni građanin općine Gračanica. A to što kažete da se mi ništa ne pitamo, možda se ti ne pitaš, pa ti je malo krivo.”

Almedin Devedžić:

“Mnoge stvari koje sam htio reći već su rečene. Malo sam pravio analizu i ja bih konkretno iznio ko je šta predlagao, možda to neko nije analizirao. Evo Naša stranka i LDS su predlagali i njihovi prijedlozi su prošli. Znači, ja nemam ništa protiv predloženih, Udruženje “Gračaničko keranje” je ekstra udruženje, Organizacija RVI-a i svi ovi dole prijedlozi. Udruženje “Gračaničko keranje” je predloženo dakle od BPS-a, SDP-a i SDU-a, znači poklopilo se. Organizacija RVI-a predložio BPS, Hadžić Abdulah predložio SDU, Hasić Sabina SDP i između ostalog, evo Mašić Amir koga je predložila OŠ “Hasan Kikić” i Čolić Lilian koju su predložili privrednici. Ja bih samo jednu malu ispravku ovdje pod brojem 1. VMZ-e Lukavica, kaže d.o.o. “Fortuna” Gračanica. Tačno ali u produžetku treba da stoji “Pogon Lukavica”. Dakle, to je jedna skupina vrijednih, čestitih žena koje se zahvaljujući svom radu i trudu bore za egzistenciju svojih porodica, i zahvaljujući dobrom menadžmentu među kojima je ovdje i njihov direktor. Sigurno, ako se dogovorimo, da prođe ovdje je jedan od onih koji zaslužuju da dobiju jedno od tih priznanja, pogotovo što ove godine slave desetogodišnjicu. Isto tako naglasio bih, evo ja ću lokalno gledati i KUD Lukavica, a dobro znate da je prije par godina u svim nacrtima i prijedlozima KUD Lukavica bio predlagan ali problem je bio što je u početku KUD predložila SDA. To je bila greška i možda da ga SDA nije predložila prošao bi. Znači i oni i ostali zaslužuju s obzirom da zadnjih 7-8 godina širom Evrope promoviraju kulturu i tradiciju naših naroda pa i krajeva naše općine. Žao mi je što je sve ovo ispolitizirano i slažem se sa prethodnicima da trebamo jednom presjeći i da kažemo da više stranačko lobiranje stane. Evo neka i iz ove parlamentarne manjine jednom nešto prođe.”

Ibrahim Hasić:

“Pa kad je ovaolika rasprava, a nema nikog iz Malešića, šta bi tek bilo da ima neko iz Malešića. Ja bih se ovdje zapitao da li je ova komisija uopšte onda radila svoj posao, po ovoj diskusiji. Onda bi sad trebali ovdje na licu mjesta smijeniti komisiju i izabrati drugu. Prema tome moj je prijedlog da ukoliko ima mjesta da se u okviru postojeće predložene liste, ako može neka kalkulacija, da se ubaci neko privredno društvo i da komisija nastavi raditi svoj posao. Ustvari korekcije se mogu praviti samo iz predložene liste. Prema tome nemojte da džaba gubimo vrijeme nego da budemo efikasniji.”

Rahim Gadžić:

“Mi ćemo se još vjerovatno godinama pitati zašto nema prijedloga. Svi mi znamo zašto nema. Ova priznanja su politička priznanja i to ovdje mora da bude svima jasno. Nažalost, evo vidimo sad su tri političke stranke zastupljene, a te tri političke stranke i čine parlamentarnu većinu. Mi ovdje gubimo vrijeme. Zna se kako će biti. Sedamnaest ljudi će izglasati Odluku i završena priča. I do sada je tako bilo i ovi su nastavili takvu praksu i tako će i dalje biti. Meni je stvarno žao, mi smo imali momka koji je kao ambasador, to je Amel Ćurić i čudi me zašto bar njega ne uzmete jer je Gračanlija i predstavlja Gračanicu na svim mjestima. I moja je to primjedba što njega niste stavili u zlatne značke. I da ne gubimo vrijeme, o priznanjima će odlučiti većina u Vijeću.”

Nihad Krajinović:

“S obzirom da najviše kritika na Odluku o dodjeli općinskih priznanja dolazi iz SDA, meni je žao što ni jedan prijedlog njihov nije bio u kandidaturi komisije. Da vidimo možda bi oni, neko ima ovdje, bročano pojačali i olakšali komisiji, a ja molim ako možemo mi tražiti od komisije da nam dostavi pojedinačno kako su se članovi komisije izjašnjavali po prijedlozima, odnosno kako su glasali za ovu odluku.”

Rahim Gadžić:

“Ja sam bio jasan, ali kolega nije shvatio. SDA se ne može igrati sa ljudima. Mi smo predlagali godinama i nijedan naš prijedlog nije prošao, dokle god SDP ovdje drži većinu i to je jasna stvar. Zato sam i rekao da je to političko.”

Vehid Osmanović:

“Ja ovdje imam kompletna sva priznanja kad je ko dobio. Prema tome moram replicirati kolegi Gadžiću. 2002. godine SDP je imao apsolutnu vlast, Prijeko Brdo MZ-a dobila priznanje i Mulalić dr. Edvin takođe dobio priznanje, koji je kasnije bio kandidat za načelnika. Govorim tamo gdje je sam SDP imao apsolutnu vlast. Znači nije primjenjivao te kriterije o kojima vi govorite. Evo ovdje imam Odluku od 2002. godine.”

Himzo Avdić:

“Evo prije nego zatražimo predsjedavajući pauzu od pet minuta, Klub BPS-a će, ja mislim naći rješenje za ovu situaciju. Samo tražim pauzu od pet minuta.”

Almedin Devedžić:

“Htio sam samo da izađem da pohvalim, znači SDU je ovaj put sto posto pogodio. Oba prijedloga su prošla. Čestitam.”

Data je pauza u trajanju od pet minuta.

Nakon pauze, a uz prisustvo svih trideset članova Vijeća Himzo Avdić je iznio stav Kluba BPS:

“S obzirom da je prozivana parlamentarna većina u kojoj smo mi kao BPS, mi ćemo povući svoj prijedlog za dodjelu općinskog priznanja Zlatne plakete. Znači mi smo samo za Zlatnu plaketu svoj prijedlog dali. Pa da vidimo, neka opozicija svoj neki prijedlog da. Možda ćemo mi njega i usvojiti jer oni kažu nema potreba da daju prijedlog jer znaju unaprijed da on neće proći. A to je isto, hoćete bingo, a niste kupili listić za bingo. Evo dajemo vam mogućnost da nekog predložite, a mi povlačimo svoj prijedlog za Zlatnu plaketu. Ovo je nacrt, imate vremena do sedamnaestog.”

Hasan Puškar:

“Prije nego daš neki prijedlog predsjedniče Kluba BPS-a, malo pročitaj tamo Odluku, odnosno pravilo o dodjeli priznanja. Ne mogu se više ulagati novi prijedlozi, nego ovo što imamo predloženo, može se u okviru tih prijedloga. Znači nema novih prijedloga. Ne možete vi povlačiti prijedlog, to će komsija raditi nakon završene rasprave.”

Hasan Fehratović:

“Evo počeo ću kao predsjednik komisije od ovog posljednjeg što je kolega Himzo Avdić rekao. Vi u nekakvom formalnom smislu ne možete povući prijedlog, ali možete znači predložiti iz ovih okvira, jer već od danas počinje ova javna rasprava, to može biti jedan od prijedloga na ovaj nacrt Odluke. Ili primjedba na ovaj nacrt. Bilo je puno pitanja, dilema. Ja ću reći sljedeće. Prvo ću nešto u svoje ime pa onda u ime komisije. Sticajem okolnosti ja sam u ovome jer smo mi prošle godine donijeli novu odluku o radnim tijelima pa je u ovu komisiju za propise i Statut ušla i ova komisija o općinskim priznanjima, pa je ušlo i još mnogo toga, pa je to kao ona kahva 4 u 1. Četiri su komisije stopljene u ovu. Lično ću kazati još da sam neke 2006. ili 2007. godine, ovo lično govorim, početo sumnjati ne u kvalitet priznanja nego kako se ona dijele i ko ih sve dobija i mogu slobodno reći da je ovo degradirano. Nažalost, važno je ko je predlagač, a ne ko je predložen. Ja sam na početku svoje diskusije, odnosno obrazloženja rekao komisija nije mogla izaći sa bijelim papirom ovdje pred Općinsko vijeće, nego je došla do nekog nacrta. Ja ću biti toliko jednostavan, prijedlozi su takvi. Komisija broji pet članova. Nažalost samo sam ja član Vijeća, ostali nisu. Dakle, pored mene tu su Midhat Alić ispred SDP-a, Vahida Arnaut ispred BOSS-a, Alen Ibrisević, ispred SDU i Mujačić Esed ispred BPS-a. Sistem je bio takav, predlaže taj tog i tog pojedinca i izjašnjava se. Tamo gdje ima više od tri prijedloga taj je uvršten. I na kraju smo došli do takvog utvrđenog prijedloga. To je tako bilo. Klega Krajinović je tražio pojedinačno, ima zapisnik. To možete vidjeti uvidom u zapisnik komisije. Što se tiče toga što nema ni

jednog privrednog subjekta, iznosio sam na komisiji, ali toga nema ni kao obaveze u pravilima. Ja bih zamolio sve ove koji su izalili i kolega Mujo, i Nihad, i Vehid, Eso, da izađu i da daju konkretan prijedlog iz okvira ovih prijedloga koji su blagovremeno pristigli. Recite koji to privredni subjekat od predloženih treba. Ovo je stvarno jedan nezahvalan posao i volio sam da su ovdje i ostala četiri člana komisije prisutna da i oni kažu svoje. I na kraju krajeva, ovo je nacrt Odluke, komisija se ne može staviti iznad Vijeća. Vijeće će konačno odlučiti, ali ja bih volio da nam olakšate. Već od danas traje javna rasprava i do 17. 05. 2013. godine je, i primjedbe će zapisnički biti konstatovane danas. Ja kao član Vijeća, evo recite da Vijeće donese zaključak da treba biti jedan privredni subjekat, recite koji je to privredni subjekat i ja ću to zagovarati na narednoj sjednici komisije. Dalje, znamo svi da je teško, sada treba nekoga ubaciti, a nekoga eliminisati. Dajte konkretan prijedlog. To su već primjedbe na Odluku, isto kao što imamo primjedbe npr. na nacrt budžeta pa poslije amandmani itd. Dajte konkretno iznesite to.”

Nihad Krajinović:

“Meni je žao što čujem od predsjednika ove komisije da sumnja u vrijednost prethodnih nagrada, odnosno kandidata koji su nagrađeni, ljudi i ustanova i pitam se, kao predsjednik komisije je li mogao nešto učiniti da se popravi nešto na vrednovanju tih ovogodišnjih nositelja tih priznanja. Kada su u pitanju prijedlozi privrednih subjekata, evo ja ću reći da je komisija imala pred sobom tri kandidature, firmu “Index”, u odnosu na pojedinačnu kandidatutu “Fortune” Gračanica-Pogon Lukavica. Znači, tri su kandidature i mogli su se odlučiti da ova firma bude jedna od nagrađenih i nositelj priznanja Zlatna plaketa. I samo ću se malo vratiti na reakciju kada ste burno reagovali na Vehidovo iznošenje jednog od kandidata iz 2002-2003. godine, šta je bliže datumski ja ću reći, a tražili ste da nekog prozovemo ko je blizak, SDA. Reći ću 2010, 2009, 2008, 2006. godina i naći ćete.”

Himzo Avdić:

“Zahvaljujem se kolegi Hasanu Puškaru na sugestijama, ali izgleda kao da predsjedniku komisije Hasanu Fehratoviću nije jasno. Mi se povlačimo. Povlačimo svoj prijedlog i dajemo prijedlog vama kao komisiji da mi ne idemo sa svojim prijedlogom. Mi ne idemo na javnu raspravu nacрта, to prepuštamo komisiji da promijeni. Odustajemo potpuno od svog prijedloga za Zlatnu plaketu.”

Vehid Osmanović:

“Evo samo da pojasnim. Nisam htio za govornicom govoriti. Ja sam kao vijećnik predložio firmu “Index”. Znači nije bilo potrebe da ponavljam još nekoliko puta zašto “Index” nije prošao, nije do mene, do komisije je.”

Mujo Hasić:

“Evo mi smo se fino ovdje ispričali, davali svoja mišljenja i sugestije. S obzirom da je ovo u formi nacрта ja predlažem da više oko ovoga ne polemišemo, da usvojimo Odluku u formi nacрта, a ima dovoljno vremena da se u narednom periodu daju prijedlozi i primjedbe, nakon čega će Odluka biti sa možda nekim novim i na narednoj sjednici Vijeća ćemo usvojiti konačan prijedlog.”

Esad Tursunović:

“Cijelo vrijeme pravimo od firmi crvene i zelene. Je li vam to najveći problem. Ako je neko zaslužio, neka dobije, nije bitan više ni prijedlog ni ništa drugo.”

Sead Gazibevović:

“Mada sam mislio poslušati kolegu Muju Hasić, ipak ću reći jednu dvije rečenice, upravo zbog ove priče o politizaciji. Prvo da vidimo od kud potiče ta priča o politizaciji. Argumenti s jedne strane, uporno priča o politizaciji s druge strane, kao svojevremeno ono kad je bilo oko budžeta, MZ-e koliko koja vrijedi. Znači, molio bih ako neko ima podatak da kaže, udruženje “Gračaničko keranje” koliko je to politizirano po bilo kojoj osnovi, pa da vidimo je li to to. Ima li argumenata za politizaciju, ili nema. Drugo, da su inicijative i pitanja na kraju sjednice, ja bih imao jednu inicijativu, jer vjerovatno ću s njom ići možda već na sljedećoj sjednici. Ja prisustvujem peti puta ovakvim diskusijama i svaki put i svake godine se sve ponavlja isto. Mi u kuloarima pričamo neke druge priče. A ta inicijativa bi bila da se u cilju sprečavanja dalje degradacije ovih priznanja proglasi moratorijum jednogodišnji, dvogodišnji

ili trogodišnji na dodjelu općinskih priznanja, a da nas to natjera da sjednimo, bilo sa tematskim sjednicama, bilo sa radom po klubovima vijećnika i da kažemo, šta smo to imali u proteklom periodu što nije valjalo. Moramo to ispraviti jer ovo ne vodi nečemu. Ovaj put mi ovo moramo dovesti do kraja, a za dalje vidjet ćemo.”

Edin Ibrišević:

“Ostao sam dužan da repliciram vijećnicima Almedinu i Esadu, kad su u pitanju prijedlozi koje je dala SDU. SDU već pet godina participira u Vijeću u Gračanici i ni jednom, ni jedan njen prijedlog do sada nije uvažila komisija. Znači ovo je igrom slučaja da je prvi put komisija uvažila ta dva prijedloga koja su došla od strane SDU. Kada je u pitanju prijedlog za Zlatnu značku moram ovdje priznati da me na to inicirao kolega Mirsad Čamdžić u jednom, ovako od žustrih razgovora i u prijašnjim sazivima, o tome ko treba da dobije. Rekao je, zašto nekada nekom ne bi dali priznanje za neku građansku hrabrost. Zašto ne bi dali priznanje nekom ko je nekom poklonio bubreg itd. Tako da se u SDU došlo do rješenja da se predloži Hadžić Abdulah. Ali ne kao dobar čovjek, ne kao donator, ne kao borac kao njegov brat, kao što je borac bio Avdić Himzo, nego da se jednostavno predloži za taj čin građanske hrabrosti, kako bi to potakli. I čak mi je juče, u jednom verbalnom napadu, koji mi se stalno servira u Stjepan Polju, rečeno, predložio si kaže čovjeka da bude najbolji čovjek u Stjepan Polju, mislim što je smiješno i što se šire neistine. Predložen je isključivo znači zbog tog čina, kako bi osnažili priznanja. Dalje u razgovoru čovjek mi je priznao da je drugi čovjek vraćao se od djevojke tu noć i kaže da nije smio stati, a auto je gorilo u groblju. Ja kaže nisam smio stati, a svaka čast, neka si ga predložio. Znači to je osnovni razlog zbog kojeg je Hadžić Abdulah predložen. Ne kao donator, ne kao dobar čovjek, ne kao privrednik, ne za rad u MZ-i, nego jednostavno za građansku hrabrost i taj jedan jedini čin. Moram ovdje ostati na ispravku krivog navoda kad su u pitanju navodi kolege Tursunovića, a radi se o tome da je više puta Hadžić predlagan za ovu zlatnu značku. Evo imamo podatke koji su i njemu u svakom trenutku dostupni, ko je sve do sada predlagan za Zlatnu značku. Nikad do sada nije Hadžić Abdulah, a evo to može i sekretar Vijeća da potvrdi. Hoću da kažem, neistine se mogu iznositi u kafiću u Stjepan Polju, ali se neistine ne mogu iznositi ovdje za govornicom Vijeća, znači, ovdje gdje imamo određene podatke i relevantne stvari. Ja vas stoga molim, da kad nešto tvrdite da prvo pogledate papire pa utvrdite da li je više puta čovjek predlagan. Slažem se, kad je u pitanju Udruženje “Gračaničko keranje”, mislim da je suviše obrazlagati, a evo i većina vas je iznijela da se slažete s tim i da ovo udruženje zaslužuje. Ja u ovom udruženju ne vidim nikakvu politiku. Da je “Gračaničko keranje” SDP, SDA, BPS, SDU itd. Dalje, kolega Devedžić je propustio kad je nabrajao ko su predlagači i oni koji su dobili priznanje da kažu da je priznanje dobio Amir Mašić, odnosno da je predložen za priznanje od strane komisije na prijedlog Nijaza Omerovića, direktora OŠ “Hasan Kikić”. Nijaza Omerovića nestranačke ličnosti, Nijaza Omerovića koji nije bio vijećnik jedne političke partije, Nijaza Omerovića koji nije i sada možda u organima stranke. Mislim ako idete s nečim onda do kraja ispričajte. Vi ste iznijeli tačno, ali ste preskočili taj jedan dio da kažete.”

Esad Tursunović:

“Prvo da repliciram kolegi Seadu. Ne znam zašto se spominje keranje? Je li iko nešto loše rekao o keranju? Zašto se spominje Amir? Kakve veze ima prijedlog. Amir je zaslužio. Čovjek svaki dan šiše. Druga stvar Edo, dobro znaš o čemu pričaš. Pusti demagogiju. Dobro znaš da smo na istim talasima što se tiče prijedloga, protiv Avde nemam ništa lično. Je li po tome ne dođe da bude najbolji čovjek u selu. Najzaslužniji je. Svaka čast Himzi. Ko je spomenuo Himzu. Je li zaslužio Himzo. Jeste. Je li ti Avdo radio kampanju. Jesi li tri četiri puta išao sa prijedlogom, samo što nije zvanično upisano tu. Probao si na tri načina i više.”

Almedin Devedžić:

“Evo samo predsjedavajućem da kažem. Javne ustanove kada šalju, ne šalju direktori prijedlog, nego to radi nastavničko vijeće zaposlenih. Za tu informaciju 50 zaposlenika OŠ “Hasan Kikić” je predložilo gosp. Amira Mašića. I ja sam spominjao OŠ “Hasan Kikić” koja je predložila Mašića.”

Hasan Puškar:

“Predsjedavajući, kažeš Esi, treba čitati. Znači i ti molim te ubuduće čitaj šta piše u prijedlogu. Je li piše negdje piše Nijaz Omerović ili piše OŠ “Hasan Kikić”. Nemoj molim te nikog ovdje

budalom praviti. Esi pričaj jedno a ti za dvije minute nešto drugo radiš. Znači, molim te budi fer i korektan. A druga stvar, kažeš da se čita. Da bogdom čitate kad donosite odluke većinski. I ubuduće čitaj kao piše nije predložio Nijaz Omerović, bivši pripadnik političke stranke nego OŠ "Hasan Kikić". Zloupotrebljavaš svoj tu položaj."

Mirza Omerdić:

"Ja nisam uopšte htio izlaziti za ovu govornicu pošto se ispretresalo sa različitih strana. Međutim, naum mi je pao jedan konstruktivan prijedlog. Da li postoji nekakva metodologija u smislu predlaganja kandidata. Dakle, ja mogu predložiti kandidata koji je po mom ličnom sudu, meni simpatičan ili drag. Treba dakle utvrditi ko je predlagač. Ko su relevantna tijela koja mogu to uraditi i što se tiče privrednika, i što se tiče društveno korisnog rada. Može se dakle napraviti segmentacija. Imamo kategoriju privrednika i ko su ljudi koji predlažu. Dakle to je po meni Udruženje poslodavaca. Znači ko je najzaslužniji. Društveno koristan rad, određene institucije i organi koji se bave time. Možda u tom smislu da komisija povede računa o kredibilitetu predlagača, da se ne bi dešavale ove stvari koje se odnose na preferenciju pojedinaca, a ne mora značiti da ima utemeljenje."

Mirsad Čamdžić:

"Jesmo malo postali, možda malo i dosadni, ali evo nakon ove Mirzine priče i inače razmišljam o ovome, bilo je puno i nepotrebne i nečiste krvi i uvijek to bude ovako na ovim izborima. Da li mi moramo ovdje postići neki konzensus da izbjegnemo ovu famu predlagača. Znam da nema zakona da se reguliše, ali da političke partije koje participiraju u Vijeću i neprticipiraju i vijećnici ne predlažu nikoga. Mislim da bi time mi izbjegli ovo, ali naravno postoji opet način kako će neko preko nekog drugog uraditi, ali bi time izbjegli ovu vječnu priču o politizaciji. Ne možemo naravno to staviti u zakonske okvire, ali bi imali nekakav moralni kodeks, tako da bi izbjegli ove ružne stvari."

Himzo Avdić:

"Zahvaljujem Esadu Tursunoviću što me proglasio najboljim čovjekom u Stjepan Polju. Klub BPS biti će suzdržan po pitanju nacrtu ove odluke, a i Odluke na narednoj sjednici. Znači, mi nećemo više o njoj ni raspravljati. Samo malo sugestije, pošto se slažem sa kolegom Čamdžićem. Mi smo predložili Organizaciju RVI, mi kao BPS. Nije tu bilo ništa stranački. Nije invalid tad bio ni u BPS-u, ni u SDA-u, ni u drugim, on je invalid. Mi i pored vaših sugestija koje ste iznijeli nismo nikog skinuli sa Odluke, nego samo odustajemo od svog prijedloga i bit ćemo suzdržani i kod nacrtu i kod Odluke na narednoj sjednici."

Predsjedavajući Vijeća je zatvorio raspravu i definisao zaključak o Nacrtu Odluke o dodjeli općinskih priznanja.

Klub SDA je uzeo pauzu od dvije minute radi konsultacija, ne izlazeći iz sale.

Sjednicu je napustio Esad Tursunović. U Sali je prisutno 29 članova Vijeća.

Nakon pauze, predsjedavajući Vijeća je dao na izjašnjavaње zaključak.

Sa 14 glasova "ZA" i 15 "SUZDRŽANO" konstatovano je da zaključak nije usvojen.

Za riječ se javio Hasan Fehratović, predsjednik Komisije:

"Evo imamo sada jednu specifičnu situaciju i ja bih molio i tumačenje sekretara, a naravno i nekakav dodatni zaključak Općinskog vijeća. Šta dalje da radi Komisija i koji su koraci jer znači zaključak i ovaj nacrt Odluke nije prihvaćen. Mi na narednu sjednicu trebamo izaći sa konkretnim prijedlogom. Dakle, da vidimo koje su dalje smjernice i šta Komisija po ovakvom neprihvaćanju zaključka treba da radi."

Zehra Mujačić, sekretar Vijeća:

"U našem Poslovniku mi nemamo propisanu situaciju, da ako ne prođe nešto što je bilo u nacrtu, kakva je sudbina dalje sa takvim aktom. Jedino što nam ostaje je da vidimo na komisiji i kolegiju

Vijeća, da li bez provođenja javne rasprave da se izađe sa prijedlogom Odluke. Pa ako se to dogovori vidjet ćemo za narednu sjednicu.”

Prešlo se na nastavak rada po dnevnom redu.

TAČKA 3:

ODLUKA O PROMJENI STATUSA NEPOKRETNOSTI U OPŠTOJ UPOTREBI

Dino Dedić je zatražio od predlagača Odluka da mu se detaljnije objasni o kojem zemljištu se radi.

Odgovor je dala Aida Hodžić, nakon čega je Odluka o promjeni statusa nepokretnosti u opštoj upotrebi usvojena jednoglasno sa 30 glasova „ZA“ jer se ponovo na sjednicu vratio Tursunović Esad.

TAČKA 4:

IZVJEŠTAJ O RADU I FINANSIJSKOM POSLOVANJU JZU DOM ZDRAVLJA GRAČANICA ZA 2012. GODINU

Učesnici u diskusiji po četvrtoj tački dnevnog reda su:

Rahim Gadžić:

„Klub SDA je razmatrao izvještaj o radu i finansijskom poslovanju JZU Dom zdravlja Gračanica za 2012. godinu i vidimo da, kako smo se dogovorili na ranijim sjednicama, kada javne ustanove podnose izvještaj o radu prilože i Odluku Upravnog odbora o usvajanju Izvještaja o radu i finansijskom poslovanju. Vidimo da je to direktorica sve uredno dostavila. Ja bih u ime Kluba vijećnika SDA pohvalio direktoricu i uposlenike JZU i iz razloga što je razvila mrežu porodične medicine i da su svi građani zadovoljni sa pružanjem usluga Doma zdravlja Gračanica po MZ-a. Zataim vidimo da je i Služba hitne pomoći u proteklom periodu smanjila smrtnost svojih pacijenata koji stižu na pružanje hitne pomoći. Uprava JZU radi sve u skladu sa propisima i zakonom i mi pohvaljujemo i direktoricu i cijelu upravu Doma zdravlja Gračanica i nadamo se da će to nastaviti i u narednom periodu. Ovako se vidi da mi bez obzira na kadrovsku strukturu JZU, podržavamo one koji rade.“

Vehid Osmanović:

„Klub vijećnika SDP-a takođe podržava Izvještaj o radu i finansijskom poslovanju JZU Dom zdravlja Gračanica za 2012. godinu uz pohvale, prije svega osoblju Doma zdravlja, s obzirom da smo vidjeli i sa kakvom se opremom tu radi, koja je skoro izamortizovana. Ona se praktično krpi. Molio bih menadžment da ubuduće vodi računa o opremi i ako ikako može da se to obnovi. Da je to dobar rezultat u ovakvom vremenu govori i pozitivno poslovanje i rad je za svaku pohvalu.“

Mirsad Čamdžić:

„Takođe želim da kažem, a da ne izlazim stalno. U paketu sam pregledao sve ove izvještaje Doma zdravlja, Opće bolnice, Gradske apoteke. U uvjetima u kojima rade i sa podrškom koja nije onakva kakva bi trebala biti, uradili su nadljudske napore. Predočili su jedan vrhunski kvalitetan izvještaj. Mislim, samo riječi hvale i za menadžment i za uposlenike za sve tri JZU. Podržavam izvještaje.“

Edin Ibrišević:

„U ime Kluba SDU, SBB i LDS ide pozitivan komentar za sve tri zdravstvene ustanove. Da naglasimo da u ovo teško današnje vrijeme većina zdravstvenih ustanova posluje s minusom. Naše, hvala Bogu dobro rade. Sve čestitke direktorima, menadžmentu i naravno uposlenicima, bez kojih ovo ništa ne bi bilo.“

Izvještaj o radu i finansijskom poslovanju JZU Dom zdravlja Gračanica za 2012. godinu, usvojen je jednoglasno.

TAČKA 5:

IZVJEŠTAJ O RADU I FINANSIJSKOM POSLOVANJU JZU OPĆA BOLNICA „DR. MUSTAFA BEGANOVIĆ“ GRAČANICA ZA 2012. GODINU

U diskusiji su učestvovali:

Hasan Fehratović:

„Iznosim stavove Kluba vijećnika SDA kada je u pitanju JZU Opća bolnica „Dr. Mustafa Beganović“ Gračanica. Što se tiče Izvještaja, on je veoma jasan i transparentan. Metodološki i tehnički je stvarno jako kvalitetan što vidimo u ovoj, možemo slobodno reći knjizi, i u tom dijelu zaslužuje sve pohvale. Takođe, evo ja sam iz ovog materijala vadio određene podatke i ako se još uzme u obzir, nadam se, evo direktor je tu, da nisam pogriješio ukupan broj zdravstvenih usluga koje je bolnica napravila u 2012. godini. Naravno pretpostavljam, ne radi se tu o broju pacijenata nego o broju usluga bolnice. Dakle, to je stvarno jedan imponozantan podatak 413.521 zdravstvena usluga. Npr. hemodijaliza preko 17.000, pedijatrija preko 20.000 itd. Ono u što se još trebamo svi uključiti, a to su ovi nekakvi akti koje imamo na kraju ovog izvještaja. Dakle pozivam sve relevantne faktore da pomognu u političkom smislu, ubrzaju. Pročitajte ove akte na kraju, da vam ne oduzimam sada vrijeme i da stvarno pomognemo bolnici jer mi imamo tu obavezu i kao osnivač. Još jedanput čestitke.“

Safet Pjanić u ime Kluba BPS, ne izlazeći za govornicu takođe se pridružuje pohvalama za rad JZU.

Vehid Osmanović:

„Evo ja sam puno izvještaja imao priliku da razmatram i mislim da nikad bolji nije došao na Općinsko vijeće. Ovako složen izvještaj sa puno toliko bitnih podataka za nas vijećnike, a prije svega za građane. Znači sve pohvali menadžmentu koji je radio, a normalno i za one koji rade u ustanovi. Mnogi kažu da zdravstvena ustanova što manje usluga da je to bolje za građane. Ovo što je kolega Hasan rekao, drago mi je da su oni obavili toliko posla, ali bi mi bilo draže da su građani puno zdraviji i da trebaju što manje intervencija i u Domu zdravlja i u Bolnici i pomoći osoblja ustanova.“

Nakon toga, Izvještaj o radu i finansijskom poslovanju JZU Opća bolnica „Dr. Mustafa Beganović“ Gračanica za 2012. godinu, usvojen je jednoglasno sa 30 glasova „ZA“.

TAČKA 6:

IZVJEŠTAJ O RADU I FINANSIJSKOM POSLOVANJU JZU „GRADSKA APOTEKA“ GRAČANICA ZA 2012. GODINU

Učesnici u diskusiji su:

Senad Selimović:

„Želim da zahvalim direktorici i svim uposlenim u JZU „Gradska apoteka“ Gračanica na svemu što činite da bi građani naše općine što kvalitetnije i bolje bili usluženi. Znam da se trudite maksimalno. Znam da ulažete ogromne napore kako bi građani bili zadovoljni i što kvalitetnije usluženi. Usluga je na veoma visokom nivou i veoma hvalitetnom nivou, zaista. Hvala Vam puni i hvala Vam što ste smogli snage i sredstava da otvorite apoteku u Džakulama. Mnogo ste učinili za sve nas. Zato Vam u svoje ime i u ime mještana Džakula, Trnovaca, Prijekog Brda i ostalih mjesta želim od srca mnogo sreće i uspjeha u budućem radu.“

Esma Pašić:

„Klub vijećnika SDA je na redovnom sastanku razmatrao Izvještaj JZU „Gradska apoteka“ Gračanica i donio odluku da se prihvata Izvještaj o radu i finansijskom poslovanju JZU „Gradska apoteka“ Gračanica za 2012. godinu. Klub SDA pohvaljuje odluku Upravnog odbora kojom je omogućeno otvaranje apoteke u Gračanici u neposrednoj blizini Doma zdravlja i Opće bolnice, sa radnim vremenom od 7-22h, a čime je omogućena bolja dostupnost lijekovima u večernjim satima, pacijentima koji su koristili zdravstvene usluge hitne medicinske pomoći.

Isto tako Klub SDA pohvaljuje odluku Upravnog odbora kojom je omogućeno otvaranje apoteke u MZ-i Džakule, ovo ne potpada pod izvještajni period (apoteka je nedavno otvorena), ali mi koristimo ovu priliku da čestitamo MZ-i Džakule, mještanima, ostalim političkim partijama i svima drugim koji su omogućili mještanima ne samo navedene MZ-e Džakule nego i MZ-e Prijeko Brdo, Buk, Trnovci, bolju dostupnost lijekovima i ostalim potrebama mještana koje posjeduje apoteka.“

Mirza Omerdić:

„Ja moram priznati da mi se Izvještaj JZU „Gradska apoteka“ Gračanica ponajviše svidio. Kod Opće bolnice imamo perfektan Izvještaj i vjerujem da je to radila revizorska kuća sa aspekta stručnosti, besprijekoran je, mada sam se ja trudio da pronađem bilo koju zamjerku, ali nisam mogao. Znači u smislu Izvještaj je perfektan. JZU je ustanova koja je održiva i to samoodrživa. Dakle, oni su ostvarili dobit, znači na nivou nešto manji u odnosu na prošlu godinu. Bruto dobit je dakle bila 22.907,00 KM. Imali su porast prihoda, dakle operativnih prihoda za iznos od nekih pedesetak hiljada. Brugo profitna marža im je porasla sa indeksa 105,9 na 106,3. Ovdje su dostavili dakle sve analitike utrošaka, odnosno rashoda i plan investicija. Ja im zbilja na ovim rezultatima čestitam i veoma mi je drago da jedna ustanova može raditi bez subvencija i može ostvariti dobit. Imam i na prethodna dva izvještaja. U prethodna dva izvještaja i kod Bolnice i kod Doma zdravlja u strukturi prihoda imamo veliki nivo onih ostalih prihoda. Dakle prema računovdštenim standardima i izvještavanjima i izvještavanjima međunarodnih standarda to je značajno i oni dakle zahtijevaju analitiku. Molio bih vas da strukturom takvih prihoda pa čak i rashoda nama ubuduće izvještaj dostavljate u analitičkoj formi. Zahvaljujem još jednom i čestitam apoteci.“

Vehid Osmanović:

„Klub vijećnika SDP-a podržava i ovaj izvještaj kao i prethodna dva, ali ovdje moram dodati dvije pozitivne stvari koje se moraju pripisati apoteci. Prvo oni su ovdje i zaposlili jedan broj radnika, znači nova zapošljavanja i ja sam primijetio da je ovdje povećan promet za nekih 700.000,00 KM u odnosu na prethodnu godinu, otvaranjem područnih ambulanti, to jest apoteka. Nadam se da ćemo u narednom periodu imati u svim MZ-a po jednu gradsku apoteku jer je jedino gradska apoteka naša apoteka. Sve ostale su privatne.“

Zatvorena je rasprava i Izvještaj o radu i finansijskom poslovanju JZU „Gradska apoteka“ Gračanica za 2012. godinu usvojen je jednoglasno sa 30 glasova „ZA“.

Na zahtjev predsjednika Kluba vijećnika SDA data je pauza i dogovoren je nastavak sjednice u 14.15 sati.

Nastavku sjednice prisustvuje svih 30 članova Općinskog vijeća.

TAČKA 7:

INFORMACIJA O ODRŽAVANJU CESTA I JAVNE RASVJETE U MJESNIM ZAJEDNICAMA I GRADU

Učesnici u diskusiji su:

Rahim Gadžić:

„Ja sam i kad je bilo izvršenje budžeta, a i sada se javljam po istomi i imam pitanje kada se radi o održavanju puteva. Ovdje smo dobili tabelarni prikaz koliko je koja MZ-a dobila za održavanje puteva. Međutim, ja znam činjenicu i ima ovdje moja MZ-a Prijeko Brdo da je dobila 1.170,00 KM za održavanje puteva. Ja znam da VMZ-e nije ništa dobilo, niko iz VMZ-e nije koordinirao. Moje pitanje je ko je i gdje su ova sredstva utrošena? Ako može šef Službe da kaže, koliko materijala za koji putni pravac i kako je uzeo materijal? Ja kao predsjednik VMZ-e za ovo ne znam. I ubuduće ako će se održavati putevi po MZ-a bez VMZ-a, to ne ide, jer mi smo ti koji predstavljamo građane te MZ-e. Mi smo ti koji znamo koje su potrebe i na kojem putnom pravcu, a ne da to radi neko iz neke druge MZ-e, upravlja o tome gdje će se održavati putevi. Ako možete šefe da mi date odgovor.“

Hasan Puškar:

„Ja se držim MZ-e Soko, 1.755,00 KM i 257,40 KM za održavanje cesta po MZ-a. Ja za ovo ne znam da su sredstva došla, niti iko iz VMZ-e Soko zna, niti je iko potpisao i to je vjerovatno trebalo biti na završnom računu prikazano. Ja sam tražio da mi se sve iznese, ali me niko nije zvao, pa čak ni da potpišem završni račun. Znači, molio bih nekog odgovornog da mi ovdje pokaže gdje su ova sredstva od 2.012,40 KM. Takođe imaju prikazana sredstva i vidio sam to je 500,00 KM a to znam, za održavanje javne rasvjete. I u uvodu sad imamo ove informacije u čijoj su nadležnosti održavanja javnih cesta i puteva. Znači to je u nadležnosti po ovome i po kategoriji puteva pada Općini Gračanica. Znači, čisto informativno da se zna da je odgovorno lice u Općini Gračanica. Ko je, ja sad ne znam. Odgovoran za sve što se desi znači na javnom putu u MZ-a ili u gradu, ako ima udar, ako ima oštećenje na putu. Ovo bi volio da Radio Gračanica prenese ovako od riječi do riječi. Po Zakonu o cestama, ukoliko znači ne obilježe propisno udarnu rupu, ukoliko ne saniraju rupu na cesti, oštećenja osfalta, puta, odgovoran je neko u Općini Gračanica. Ukoliko nekom od toga dođe do materijalnog oštećenja neka traži Općinu i neka zove Polisijsku stanicu Gračanica, isto će namiriti Općina ili neko iz Općine. To je po Zakonu o cestama, ja mislim 2011. ili 2012. godine, kad je prešlo iz nadležnosti cesta, ljudi su skinuli sa sebe odgovornost. Za ubuduće, ja ću se postarati da saznam zašto su ove pare potrošene, jer ovdje piše MZ-a Soko. Mi u VMZ-e Soko niko ne znamo gdje su te pare potrošene. Ovdje piše održavanje puteva, javnih cesta ili kako već Znači održavan je neki put i ja bih volio da znam koji put. Ne piše posipni materijal, nego održavanje puta. A o ovome se treba malo bolje pripremiti na VMZ-e i bit će saopštenje javno za ovo što se tiče MZ-e Soko.“

Ibrahim Hasić:

„Ne znam, nama je toliko postalo, kako ono kaži betli i začuđeno da nas niko ne pita, a pošalju u našu MZ-u kamion, dva, tri i pospe neku put, a evo ja ću vam kazati primjer Malešići. Evo u Malešićima je na put utrošeno 1.404,00 KM. Ja ne znam, a znam. Znam gdje su utrošene. Utrošeno je u Malešići-Lukavica, a nije mene niko pitao. Neko je znači rekao da treba taj materijal i taj materijal je izašao. Ja vjerujem ovo, sve što je otišlo u Prijekom Brdu, zna se, zna i Rahim gdje je to, zna to i Haso. I svi mi znamo gdje je, samo je to diskusija druge naravi.“

Hasan Puškar:

„Ja ne znam. Ono što znam da je ovo puno para za to. To ja i kažem. Znam i šta je možda jedno 7-8 kamiona rizle, ali to ne može biti 2.000,00 KM. Druga stvar, ja znam i to da je u izbornoj kampanji u Sokolu izgorila kuća i ta se kuća pokrila. Pomogao načelnik, pomogla Općina. Ali znam dva mjeseca iza izbora druga kuća do nje izgorila. Nije niko htio da dođe da pomogne, džaba što smo mi tražili. Ni marke da se da, prošli izbori. Ja se slažem da treba dati, neka mi i sada, ove godine pošalje 20 kamiona rizle, ne interesuje me gdje će istresti, ja ću to potpisati. Ali 2011. godine ja nisam dobio u Soko ni marke ni kamion rizle. Ja sam i te godine imao sredstva za posipanje, ali nisam dobio ni marke. Ne mislim ja nego MZ-a Soko. Evo vidjet ću ove godine i volio bih baš da vidim. Ja sam tražio te narudžbenice i nisam to mogao dobiti. Znači u izbornoj godini neko posipa puteve i traži da ja to potpišem na završnom računu. Ne.“

Senad Selimović:

„Samo pitanje šefu Službe. Da li su izmirena sva dugovanja prema ljudima koji su održavali puteve u zimskom periodu 2011. na 2012. godinu? Ako nisu, kada će biti izmireno? Kažem ako nisu.“

Esad Tursunović:

„Ne bih ja o ovom šupljen kamenju. Htio bih nadležnoj službi da dam konkretan prijedlog što se tiče puta Lepinac, kako se već zove, a ide kraj Bubonjine kuće gore, kraj II Osnovne škole. Put je u veoma lošem stanju, da idemo sa ograničenjem nosivosti. Zašto? Zato što imamo glavni ulazu u grad, zbog djece iz II Osnovne škole i zbog održavanja, odnsono pravljenja asfalta, zato što to Općina finansira.“

Vehid Osmanović:

„Evo kolege su puno više pažnje posvetili ovoj rizli i gdje se ona vozi i kako se ona vozi i istresas. Mislim da mi imamo jedan veći problem u održavanju javne rasvjete. Moja MZ-a zaista nema ni trećunu para onoliko koliko treba godišnje da bi se ta rasvjeta održavala. Ovdje u zaključku je vidljivo i

rečeno da je tih sredstava neovoljno. Znači mi trebamo voditi računa da u narednom budžetu pokušamo osigurati veća sredstva za održavanje javne rasvjete, isto i makadamskih puteva, tako da imamo jedan kontinuitet. Evo ovdje je većina MZ-a za održavanje javne rasvjete, to odvoji jedanput u toku jednog mjeseca u toku jedne godine, a mi imamo svaki mjesec potrebu za održavanjem te javne rasvjete. Da se napravi nekakva bolja raspodjela tih sredstava da bi mi mogli i u MZ-a imati redovno održavanje. Pogotovo što se ovdje u informaciji vidi da je ogroman nesrazmjer tamo gdje je, gdje se ugovori godišnje firma tamo u gradu i ona to vjerovatno održava redovnije, nego mi. Mi održavamo onog momenta kada imamo sredstva. Ja bih da usvojimo ovaj izvještaj iz ove zaključke koji su nakraju. Znači da se povede računa da su ova sredstva nedovoljna da se u narednom periodu ta sredstva povećaju.“

Hasan Puškar:

„Moram samo replicirati kolegi. Ne interesuje mene rizla i put. Mene interesuje cifra od 2.000,00 KM gdje je otišla. Ono što ja znam je da je došlo rizle, nije to tih para, a znamo mi to. Malo smo mi diskutovali o tome. Druga stvar, postoji Odluka Općinskog vijeća o raspodjeli sredstava za održavanje javne rasvjete i za održavanje javnih i nekategorisanih puteva gdje je taksativno naborjano, na osnovu procenta, koliko kojoj MZ-i na godišnjem nivou pripada novca. I to nije da ja ne molim, nego je to Odluka, a Odluka je obavezujuća. Odluku se mora poštovati. Odluku je donijelo Općinsko vijeće. A gledaj kako se poštuje odluka. Buk za održavanje javne rasvjete nula, a u Odluci ima svoj dio sredstava i to dobar dio sredstava pošto je najdalja MZ-a. A tri su kriterija bila, udaljenost, broj stanovnika i broj rasvjetnih mjesta. Na osnovu ta tri parametra raspoređeno je koliko je kome sredstava. Babići, navodno 300,00 KM, Doborovci 400,00 KM, Doborovci Gornji 300,00 KM i da ne nabrajam. Ali su Džakule dobile 4.447,59 KM, pa je Lohinja Donja dobila 7.000,00 KM, a to u toj odluci nije sigurno toliko. Lukavica 400,00 KM, Malešići 700,00 KM, a Malešići možda imaju najveći broj rasvjetnih mjesta. Koliko ih sleduje, treba svaki mjesec biti im doznačeno. Ovo me ponukalo, Škahovica nula, Rašljeva nula, Buk nula, pa imaju rasvjetu. Pa da kupe bar deset sijalica i tih deset sijalica je opet 200,00 KM, bez zamjene. Znači ovdje potenciram nešto drugo što sam i na početku sjednice rekao. Mi smo zakon i mi donosimo odluke. Mi smo donijeli odluku na osnovu nečijeg prijedloga kako će se ova sredstva raspoređivati. I tu odluku ne treba niko pitati hoće li je poštovati. Mi ako ovo podržimo, mi podržavamo nešto što neko nije poštovao našu odluku. Ovo nema veze sa politikom, ovo je život. Meni u Sokolu trenutno ne radi 45 sijalica, oko 45, i svi zovu hoće sijalicu da se zamijeni. Odakle ja imam sredstva, znaju oni da ih imamo jer smo dobili dopis da ih imamo, ali ništa sredstava ne možemo dobiti. Neko dobio 7.000,00 KM, neko dobio nulu. A u Odluci ne piše tako, ni za održavanje puteva ni za javnu rasvjetu. Ja lično ovaj izvještaj neću podržati dok mi neko ne objasni na osnovu čega su se dijelile ove pare. Ovo nije dijeljeno po našoj odluci Općinskog vijeća. Ovo je sitan novac da se ovo ne poštuje. Na godišnjem nivou 43.000,00 KM, a ja ne znam koliko je bilo tamo u planu. Ovo je sitno i može se poštovati, jer ovo utiče direktno na rad VMZ-a. Ne utiče ni na šta drugo. Ovo nije politika. To znaju svi koji su vijećnici ili koji su predsjednici VMZ-e.“

Osman Sulejmanović:

„Ja sam predlagao da se ove dvije tačke dnevnog reda, Informacija o održavanju lokalnih puteva i Informacija o stanju lokalni cesta spoje. One su usko vezane, ali evo raspraviti ćemo ih ovako. Ovo se svelo otprilike na održavanje, na podjelu posipnog materijala. Vi znate, predsjednici VMZ-a vjerovatno znaju da se početkom godine raspiše tender za isporuku posipnog materijala i odavde Općina raspoređuje kome treba. Ja sam dobio, evo Babići su dobili, evo broj jedan na tebeli i ovo nije bilo za održavanje nego za izgradnju. Mislim da bi trebalo još napraviti program ljetnog i zimskog održavanja. Imamo nekakav ovdje program zimskog održavanja, a program ljetnog održavanja uopšte nemamo i putevi se održavaju stihijski. Ovo što se do sada održavalo, održavali su se uglavnom makadamski putevi. Za asfaltne puteve još niko ništa nije odradio. Nema krčenja, nema uređenja, čišćenja slivnika i slično, nema ništa. Pukotina na novim afaltnim površinama, vjerovatno ste svi svjedoci, ima ih koliko hoćete. Znači, trebalo bi njih prvo sanirati. I ovdje u kategorizaciji je napravljeno da su od 2010., 2011. godine novi putevi. Međutim, po meni su novi putevi od 2007, 2008. i zaista su u dobrom stanju asfaltne površine. To bi sad trebalo napraviti program i po meni početi održavati redovno. Evo vidite da se regionalni i magistralni putevi održavaju poslije zimske službe. Znači ono što smo pobacali po putevima treba očistiti. Treba izvršiti rasjeka, a takođe i bar pred zimu treba izvršiti rasjeku i pripremiti

puteve za zimu. Ja predlažem, znači da uporedo sa pravljenjem programa zimske službe, pravimo i program ljetnog održavanja. Mi sad nemamo tu službu ali se može prebaciti, imamo puno nezaposlenih, određeni dio sredstava MZ-a, da se pokušaju naći ljudi kao što evo ide i akcija čišćenja sredine i tako da u okviru tog bar probamo napraviti nešto. Što se tiče održavanja javne rasvjete, 300,00 KM sumo dobili i kupili smo za to sijalice, a i u mene ne radi jedno petnaestak sijalica, mada mi još i fali.“

Rahim Gadžić:

„Ja kad sam izašao, možda me Ibro nije dobro shvatio, nisam ja izašao ni sa kojom drugom namjernom nego sam izašao da kažem, ja ne želim da neko zove VMZ-e po posipnom materijalu ako mi nemamo nikakve nadležnosti. Ako će Općina raspoređivati u Prijekom Brdu rizlu i održavati, onda neka se da broj telefona i koja je osoba i koga će građani zvati. Ako će neko to raditi i slati kako on zamišlja, a da mi nemamo nikakvog uticaja na to, ja neću da mene onda neko zove po Pijekom Brdu i pita, zašto je rizla došla ovdje ili ondje i ko je to naredio. Ja to ne želim. Ako će Općina imati ingerencije za to neka ima, namam ja ništa protiv, ali se mora znati ko je ta osoba koju će građani zvati. Tako isto i za javnu rasvjetu. Dajte broj telefona zadužene osobe ispred Općine i neka ga građani zovu i vi raspoređujete koliko god imate para. Ali mora se reći da VMZ-e nije više nadležno za održavanje puteva, nije nadležno za održavanje rasvjete. Ako hoćete da budemo nadležni mi hoćemo da nas transparentno upoznate sa našim sredstvima. Da znamo koliko imamo na raspolaganju sredstava, napravimo raspored i kažemo koji je raspored i na koje puteve. Mi najbolje znamo. Mnogi ne znaju u Prijekom Brdu kakva je konfiguracija i jako je teško održavati puteve. Svi koji su bili u Prijekom Brdu i obišli ga, znaju da ima 11 kilometara makadamskog puta kojeg mi održavamo. Mora se do svake kuće put održavati. Svaki je stanovnik za nas isti. Iz tog razloga ja bih zamolio, dodite, obidite i utvrdite činjenice i premjerite puteve u svakoj MZ-i i ustanovite tačno koliko kojeg puta ima do svake kuće. Ja se slažem, ako je nadležna Općina, recite ko je nadležan da ga građani zovu kad imaju potrebe.“

Odgovore na sve sugestije i pitanja dao je Zijad Dedić:

„Prilikom izrade Informacije vjerujte ja nisam izašo po zaseocima da bih naveo koliko čega je išlo u koji zaseok i koje MZ-e. Tražio sam fakture u računovodstvu koliko je prema kojoj MZ-i. Ja decidno stojim iza ovoga i tačo tu stoji koliko je u koju MZ-u otišlo. Što se tiče koji je zaseok, nije problem, mogu to naknadno dostaviti. Uplaćeno je sve za održavanje u 2011. godini, ima još nešto malo duga za ovu godinu i to će biti isplaćeno. Malo više je otišlo za Gornju Lohinju za rasvjetu, zbog izgradnje jednog dijela i Džakule jer je urađeno i uplaćeno je za trofazni priključak za MZ-u Džakule. Zato je malo veći iznos u tim MZ-a. Slažem se i sa svim što Rahim kaže. Kod novih raspodjela ćemo ići sasvim na drugačiji način. Ali bilo je vanrednih intervencija na traženje pojedinaca i uglavnom su to ti iznosi.“

Hasan Puškar:

„Ovako, ja koliko znam, a znam dobro, evo Mirzet to bolje od mene zna ko može u ime MZ-e potpisati otpremnicu. Šefe Službe ko može i može li bilo ko da potpiše osim vijećnika u ime MZ-e i da je rizla došla. Ako nije vijećnik ne mora biti predsjednik ali mora biti iz VMZ-e. Može li iko drugi potpisivati otpremnice u ime MZ-e. Je li to uredno da neko dođe i potpisuje u ime MZ-e otpremnicu. Otpremnicu vi dobijete u Općini i to je faktura na osnovu otpremnice. Evo ja kažem, a on može izaći i potvrditi gotovo je to i završeno. Jedan je samo kamion istrešen među kuće. Ostali su vikendice neke. Kaže se održavanje puteva, a ja kažem jedino ja kad potpišem nešto ili bilo ko od nas koga mi u MZ-i ovlastimo, taj kopiju otpremnice mora donijeti na VMZ-e. I ja sad pitam ko je potpisivao otpremnice u ime Sokola za te kamione posipne rizle. Ko može potpisati ako nije vijećnik ili neko ko je ovlašten. Nije bitno ko je, a da se tačno zna da je izvučeno, otprilike ovo je jedno 20 kamiona rizle. Možda i 25 po ovoj cifri. A ja garantujem da nije toliko izvučeno.“

Zijad Dedić, šef Službe ne izlazeći za govornicu je rekao da će se informacije dostaviti do sljedeće sjednice.

Hasan Puškar je nastavio:

„Hoću da znam za ubuduće. Prošli put za izbore onaj što je kipao u Sokolu rizlu, ja imam slike mogu ih donijeti, četiri kamiona istresao je pred svoju kuću i nije se moglo proći od igrališta. Eto kako

misli da se VMZ brine o posipnom materijalu. Svaki put mora dobiti po jedan kamion najmanje. U Sokolu ima devet pravaca na kojima se kipao po jedan kamion rizle. I to se uvijek tako kipalo. E taj neko što dovlači, pa tebi pet, meni jedan, pravi samo pometnju. Znači ako mi u MZ-i ne trebamo, podržavamo ovo Rahimovo, jer i ja volim da mene niko ne zove. I neko jutro na emisiji Dobro jutro načelnice, neko je zvao i rečeno je zovite Vijeće MZ-e. Što će me neko zvati kad nemam nikakve ovlasti niti imam para. Znači VMZ-a ničim ne raspoložu, bar pojedina. Ni parama od rasvjete, ničim i najviše bih bolio da se nađe preduzeće pri Općini i mi naravno kad imamo neki kvar, sijalica crkla i slično, i kad potroši sredstva, to je to. Volio bih da se tako pođe raditi. Ako ništa drugo evo imamo „Komus“, neka nam on održava puteve po MZ-a i posipa. To je naše preduzeće. Neki evo ne razumiju jer ne rade u MZ-i. A ja znam.“

Mirzet Topčagić:

„Samo da odgovorim. Znači, ja sam što se tiče ovog posipnog materijala učestvovao sam. Ustvari samo sam odrđenim službama prenio inicijativu građana. To je dionica Oštrakovac-Lovači dom i Guvna-Bijela voda. Došlo je do greške, posut je pogrešan put, ako se sjećaš četiri. Učestvovao sam i u dionici puta Gornja-Mala voda. Iz Službe su izašli i mislim da je bio Jusuf Kadić na terenu. Utvrdio je činjenično stanje, da je tu stvarno potrebno i to je realizovano. Ja nisam ništa potpisao drugo. Samo da ti dam odgovor.“

Ibrahim Hasić:

„Evo vidi se da nema sumnje. Ono što kaže da je došlo u Malešiće, došlo je u Malešiće, da li ja znao ili ne znao. Ja zaista nisam znao a put je posut, Malešići-Lukavica. Posut je i ja sam tek kasnije saznao da je taj materijal izašao. Ja sam retroaktivno potpisao te otpremnice jer znam da je to urađeno. Takođe je došlo i u Prijeko Brdo, došlo je i u Soko i u Malešiće, došlo je svugdje. Ali hoćemo mi, što bi bilo jednostavo, kad je bolje komplikovano. To je što se tiče puteva i rizle. Kad su u pitanju sijalična mjesta i sijalice. Ja vas razumijem i kolegu Gadžića i sve ostale. Moram vam kazati jednu stvar. Mislim da je Soko najrodniji Malešićima po pitanju rasvjete, vode itd. Isto vam moram kazati da MZ-a Malešići nije bez vlastitih 10.000,00 KM na računu nikad. U Malešićima se dva puta godišnje mijenja sijalica. Prije sedam dana su zamijenjene sve i nema ni jednog sijaličnog mjesta da nije ispravno. A kad kažem da ima tih para na računu, zajedno mi muzemo javnu rasvjetu. Sa 125 vati sišao si na 25, 35 ili 30 vati, a dobijaju se sredstva na osnovu 125 vati. Prema tome, ja stvaram zalihu na osnovu uštede štednih sijalica, odnosno na osnovu uštede potrošnje električne energije. Najlakše je doći ovdje pa kukati, a nema para niko za bacanje. Pare su naše ako ih ima, ali moramo biti objektivno.“

Hasan Puškar:

„I na računu MZ-e Soko kolega ima uvijek deset do petnaest hiljada maraka koje se ne smiju doditi, za ne daj Bože. Međutim, to su pare građana koje se ulažu u određene segmente, voda, struja. Mene Odlukom Općinskog vijeća sleduje toliko i toliko para za održavanje javne rasvjete i toliko i toliko para za održavanje puteva kao i tebe. I to su pare koje su budžetom dodijeljene MZ-a i niko nikog ne pita hoćeš li to dati ili nećeš dati. To je kao plata. A što ja ili ti završimo javnu rasvjetu u pet pa je upalimo kad je akšam ili ne znam ni ja, neka ima ko to stalno pali i gasi. Druga stvar možemo mi pustiti kao i ostali pa da nam sija i po dani. Ima i viđaju se takva mjesta. To je naša stvar što mi čuvamo. Ali ovo ja kažem, ovo su sredstva koja nas sleduju. Znači 2011. nema marke, a 2012. ima, kad su izbori, pa sad 2013. neće opet biti marke. MZ-u Soko sleduje oko 4.500,00 KM za održavanje javne rasvjete i puteva i hoću da se ta sredstva potroše u Soko, a ne negdje drugo. Neće ići u Džakule 7.000,00 KM, a u Malešiće 700,00 KM. Imaju sredstva za izgradnju javne rasvjete. To je druga stavka. Ne mogu se miješati babe i žabe. Jedno su za izgradnju, a jedno su sredstva za održavanje. Je li tako šefe.“

Rahim Gadžić:

„Drgo mi je što je Ibro shvatio neke stvari. Znači neko će drugi mimo Vijeća MZ-e reći ovdje treba, a tebe znači neće niko pitati, ako se ti tako slažeš, ja neću izaći za ovu govornicu i neću diskutovati više. Sve bi da negdje neko drugi upravlja, a kad su u pitanju Malešići, ne, mi upravljamo Malešićima. Ako ti i VMZ-e upravljate u Malešićima, upravljat će VMZ-e i u Prijekom Brdu,

Trnovcima, Džakulama i u svakoj MZ-i. Ne može negdje upravljati Vijeće MZ-e, a negdje neko drugi. Ako će upravljati Vijeće MZ-e neka upravlja, a ne da upravlja neko drugi.“

Predsjedavajući Vijeća je zatvorio raspravu i definisao zaključak sljedeće sadržine:

Prihvata se Informacija o održavanju cesta i javne rasvjete u mjesnim zajednicama i gradu uz stav,

- da se za održavanje cesta i javne rasvjete svim mjesnim zajednicama redovno doznačavaju sredstva iz Budžeta Općine planirana za ove namjene, a u skladu sa važećim odlukama Općinskog vijeća kojima je propisan način raspodjele sredstava po mjesnim zajednicama za održavanje cesta i javne rasvjete.

Zaključak ue usvojen sa 28 glalsova „ZA“ i 2 „SUZDRŽANO“.

TAČKA 8:

INFORMACIJA O STANJU LOKALNIH I NERAZVRSTANIH CESTA NA PODRUČJU OPĆINE GRAČANICA

Učesnik u diskusiji je Osmanović Vehid:

„Evo ja sam pokušao i sa Asimom koji je radio ovu informaciju da razjasnimo neke stvari. Obzirom da su ovdje negdje 10-12 godina ove informacije o razvrstavanju ovih puteva ima dosta ovdje i netačnosti, pogotovo vezano za Gornju Orahovicu. Evo pročitat ću dvije koje su izuzetno bitne. Jedan put, ovdje ga nema uopšte kategorisanog, obuhvata 30% stanovnika Gornje Orahovice. To je cesta 461A Mujići-Mehići. Uopšte se ne spominje u ovoj informaciji da postoji. A svi koji znaju Gornju Orahovicu, znaju da je to praktično centar sela koji povezuje dva velika zaseoka. I jedan lokalni put evo 22, Gornja Lohinja-Donja Lohinja-Orahovica koji je jedini lokalni put tretiran u Gornjoj Orahovici i koji je u neprohodnom stanju. To više nije nalik ni na jedan šumski put koji se ne održava jednim velikim dijelom, tako da možda te dvije kategorije treba zamijeniti ili taj put održavati. Ovo treba da ostane, ali mislim da su pomiješane kategorije. Imamo mi dvije ceste koje bi prije mogle biti nalik na lokalne, a da ovaj lokalni stavimo u nekategorisani. Mislim da bi trebala općinska služba, a vjerovatno takvih slučajeva ima i u drugim MZ-a, jer su se naselja gradila ovih 10-15 godina. Imamo mi tu čak i asfaltiranih puteva, kojih nema nikako. A tamo građani žive i tamo gdje žive mora biti nekakav put. Nije to privatno vlasništvo, to je javni put i treba da ima neku svoju kategoriju.“

Kratko objašnjenje dao je Zijad Dedić, šef Službe za upravu, naglašavajući da se radi Odluka o kategorizaciji puta i da će ista biti na dnevnom redu, ali u saradnji sa nadležnim ministarstvom TK.

Nakon toga predsjedavajući je predložio zaključak koji glasi:

Prihvata se Informacija o stanju lokalnih i nerazvrstanih cesta na području općine Gračanica uz stav,

- da se u narednom periodu prilikom izrade ovakve informacije konsultuju predsjednici vijća mjesnih zajednica o lokalnim i nerazvrstanim cestama na području njihove mjesne zajednice.

Zaključak je usvojen jednoglasno.

TAČKA 9:

INFORMACIJA O IZGRADNJI BENZINSKIH PUMPI NA PODRUČJU OPĆINE GRAČANICA

Uvodno obrazloženje dala je Aida Hodžić, šef Službe za upravu.

Predsjedavajući Vijeća je pročitao protestno pismo od Ekološko-sportskog ribolovačkog društva „Drijenča“.

Učesnici u diskusiji su:

Mujo Hasić:

„Ovo je znači samo informacija. Možemo je usvojiti ili ne usvojiti. Jednostavno je to da se mi informišemo koliko to na području općine Gračanica ima izgrađenih benzinskih pumpi i koliko je još u izgradnji. Ovdje i piše da mi apsolutno nemamo, ni Općina Gračanica, izvršna, ni zakonodavna vlast nikakve ingerencije u pogledu zaustavljanja izgradnje, ako potencijalni investitor ispunjava sve zakonom predviđene stvari. Tako znači i ovo pismo koje je upućeno nama, znači mi nismo adresa za ovo. Zato što mi nemamo tih ingerencija i nemamo ovlaštenja da mi bilo kome zabranjujemo izgradnju ako neko hoće. Na stranu to što ih ima jako puno, što to zakonski nije regulisano, što ih vjerovatno i ne treba toliko, što se sredstva mogu usmjeravati u sasvim neke druge projekte, ali evo imamo znači ljude koji imaju želju, imaju vjerovato i znanje, imaju i materijalna sredstva i hoće da grade bezbenzinske pumpe. I na nama je znači samo da ovu informaciju prihvatimo, damo par svojih prijedloga, mišljenja, eventualnih sugestija koje u principu nikoga ne obavezuju da se njih i pridržava. Tako da primamo k znanju ovu informaciju. Nažalost, ja bih lično volio da imamo neznatan broj benzinskih pumpi. Investitori koji bi gradili bili bi znatno rentabilniji, bolje bi poslovali da su ta sredstva ulagali na sasvim neke druge projekte, jer bi došlo do većeg broja zapošljavanja radne snage, eventualno možda i većeg profita.“

Hasan Puškar:

„Koliko ja vidim ovdje se odnosi samo konkretno na dvije benzinske koje trebaju, odnosno imaju podnešene zahtjeve za gradnju. Ali mene interesuje zaključak na kraju Informacije, baš kraj. Ne postoji dovoljno zakonske regulative i protorno-planske dokumentacije. Ja više ovo osjećam kao neku, da mi donesemo odluku da pomognemo Službi, ili neko mišljenje da damo jer piše, ne postoji dovoljno zakonske regulative i prostorno-planske dokumentacije na osnovu koje bi Služba mogla na zakonit način postupati u slučajevima neispunjavanja zahtjeva za izgradnju benzinskih stanica, ako su pribavljene saglasnosti. Znači, kako vidim ovdje Služba više navija da se ne izda saglasnost, nego da se da i dalje ide tekst; Općinsko vijeće je nadležno za donošenje prostorno-planske dokumentacije kojom se razrađuju i ova pitanja, te stoga Služba očekuje stav Općinskog vijeća o mogućnostima izgradnje ovih objekata na užem području grada. Je li imaju ovi objekti u Prostornom planu ili slični objekti, ili se znači mora ponovo mijenjati Prostorni plan. To su moja pitanja jer ja vidim da je ovo više vapaj da Vijeće donese odluku, jer ja ovo samo čitam što piše u zaključku na kraju Informacije. Pitam da li će se zbog toga mijenjati Prostorni plan ponovo, ako bi se dale dozvole ili neće i šta se konkretno očekuje od Vijeća, odluka ili da li inicijativa da nešto, vidimo, možda radi nečeg ubudućeg da znači donesemo odluku. Da mi se to pojasni.“

Odgovor je dala Aida Hodžić, navodeći da se Prostornim planom ne definišu objekti, samo se definišu urbane i građevinske zone, to jest zemljište gdje se može nešto graditi. Regulacionim planom se nešto definiše po parcelama. Za taj dio nemamo Regulacionog plana, a i do sada u svim postojećim regulacionim planovima nismo imali posebno izdvojene benzinske pumpe. Ni u onim koji važe ni omin koji nisu prije važili, nije se nikad radilo. Nema govora o izmjenama Regulacionog plana. Obrazložila je i zakonske uslove za izgradnju benzinskih pumpi.

Osman Sulejmanović:

„S obzirom da nemamo zakonsku osnovu da mi odlučujemo o tome, ja predlažem Vijeću da mi Informaciju primimo k znanju i kao takvu usvojimo“

Rahim Gadžić:

„Oni ako ispunjavaju zakonske uslove, dobit će sve i mi nemamo šta, dajte da glasamo da usvojimo ovu informaciju. Što se tiče nas, neka grade ako imaju oni sredstva za to.“

Sead Gazibegović:

„Sve je to tako. Jasno je nama da mi ovdje ne odlučujemo i ne dižemo ruke hoće li neko graditi benzinsku stanicu ili neće. Međutim, kao i za sve drugo, ne možemo reći nemamo mi s tim ništa. Imamo mi sa bilo čim što se gradi na ovoj općini. Nešto imamo. Ovo vijeće nešto s tim ima. Predlažem evo da za sljedeću godinu u Programu rada Vijeća, da se ubaci tema, šta sa daljnjom izgradnjom benzinskih pumpi, koje će se sigurno ponovo pojaviti.“

Mujo Hasić:

„Kogega Gazibegoviću, mi smo komunalna vlast i slažem se da i benzinske pumpe spadaju jednim dijelom u to, ali nismo mi zakonske osnove da dajemo svoje mišljenje i kažemo, neće se tu graditi. Nemamo to i nemoj da se uplićemo u one stvari za koje nemamo ingerencije i nadležnost. Ovo je informacija i kao takvu možemo usvojiti. Da li će biti 11 plus 2 ili plus 5 još sljedeće godine, to mi ne možemo odlučivati. Niko znači ljudima po Ustavu nema pravo, a zakonska regulativa je takva da ako ljudi ispunjavaju i dobiju svu potrebnu dokumentaciju i dozvole, imaju pravo graditi. Zamislite da gradovi sa po 10-15 miliona stanovnika nemaju benzinske u urbanim sredinama. Mi bi svi trebali ići na autoputeve i sipati gorivo. Prema tome, ja nas pozivam da mi ne izmišljamo toplu vodu i da se miješamo u ono što nam nije ingerencija, a ako od nas neko bude nekad u prilici i bude u parlamentu na višim nivoima, onda ćemo tamo davati svoje prijedloge za izmjene zakona i onemogućavati ljudima. Imali smo priliku vidjeti da je bila zakonska regulativa i o otvaranju apoteke, pa evo imamo u posljednjih godinu dana i tu lakrdiju da je na svakih 50 metara otvorena jedna apoteka. Neko je to nekome dao dozvole koristeći zakonske regulative.“

Sead Gazibegović:

„Pitanje za šeficu. Ako donesemo Regulacioni plan i udarimo markicu da li smo odredili gdje se šta može graditi? Samo sam za to, da mi ne možemo reći da se nas kao vijećnika to ne tiče.“

Odgovor je dala Aida Hodžić šef Službe, navodeći da sve što poželi i odluči lokalna zajednica moguće je odrediti.

Esad Tursunović:

„Neka se gradi, zaposlit će ljude, neka niko nikom nije na teretu. Baš bez veze raspravljamo, ništa ne možemo promijeniti. Hvala Bogu kad ljudi hoće graditi.“

Sead Gazibegović:

„Ja stvarno ovdje neke stvari ne razumijem. Ispada da smo jedni za razvoj i gradnju, a drugi protiv. Ja samo principijelno, da se ne pravimo naivni i da kažemo da nismo u stanju uticati. Ništa više. Ja o ove dvije pumpe koje su u izgradnji uopšte ne razmišljam. Znamo mi, i svi mi ne volimo što imamo toliko pumpi. Nemamo mi ništa protiv tih ljudi, ali zatvaramo oči na ono na što možemo uticati.“

Mujo Hasić:

„Ja nisam do sad čuo, bar ne u evo već petu godinu kako sam ja ovdje, da je iko izašao sa inicijativom i prijedlogom i da kaže hajde da razmislimo da li ćemo mi više dozvoljavati ovdje gradnju benzinskih pumpi ili ne. Ni od koga nisam čuo. Ni od koga. Ni od kolege Gazibegovića. Prema tome, ovo je informacija i ne znam da li ona dolazi od nekog, kao da se zabrani. Ne možemo mi zabraniti, ali može se zabraniti ako neko ne ispunjava uslove u skladu sa zakonom. Da usvojimo ovu informaciju, a da li će neko graditi ili ne, to zavisi od njega. Čemu onda ovdje da se pozivamo na principijelnost, a nismo se pozivali proteklih pet godina. Trebali smo ranije biti principijelni pa reći godpodo draga, od dvije hiljade i koje godine, mi smo protiv gradnje benzinskih pumpi, pa bi nas možda neko tužio itd. itd.“

Sead Gazibegović:

„Jasno je to da mi ne dižemo ruke da li će se benzinske stanice graditi ili neće. I ove dvije i eventualno sljedeće dvije. Ne znam dok ne dođe do promjene regulative. Jasno je. Ovo što klega Puškar govori, evo Informacija se usvaja, a može se tamo staviti da Vijeće ne donosi nikakav zaključak po pitanju izgradnje pumpi. Da ne bude, zbog javnosti, da Vijeća dozvoljava ili nije dozvolilo. Mi nismo ti koji dozvoljavamo ili ne.“

Rahim Gadžić:

„Predlažem da Općinsko vijeće prihvati Informaciju i svi koji po zakonskim propisima ispunjavaju uslove neka grade. Ne možemo mi zabraniti, ako su zakonski uslovi ispunjeni.“

Predsjedavajući Vijeća je dao pauzu od pet minuta, kako bi kolegij Općinskog vijeća zauzeo stav po pitanju Informacije.

Nakon pauze predsjedavajući Vijeća Edin Ibrišević je iznio stav:
„Prihvata se Informacija o izgradnji benzinskih pumpi na području općine Gračanica“

„ZA“ zaključak o prihvatanju je glasalo 29 vijećnika. Odsutan je bio Devedžić Almedin.

TAČKA 10:

INFORMACIJA O REALIZACIJI AKCIONOG PLANA SOCIJALNOG UKLJUČIVANJA
U SISTEM SOCIJALNE/DJEČIJE ZAŠTITE U ODNOSU NA OBLAST
VODOSNABDIJEVANJA OPĆINE GRAČANICA ZA 2012. GODINU

Nije bilo učesnika u diskusiji i Informacija o realizaciji Akcionog plana socijalnog uključivanja u sistem socijalne/dječije zaštite u odnosu na oblast vodosnabdijevanja općine Gračanica u 2012. godini je usvojena jednoglasno sa 30 glasova „ZA“. Na sjednicu se vratio i Devedžić Almedin.

TAČKA 11:

PREDSTAVLJANJE REALIZACIJE PROJEKTA U OPĆINI GRAČANICA „DEMOKRATSKA
EKONOMSKA UPRAVA VODOSNABDIJEVANJEM , MDG-F“

Elektronsku prezentaciju obrazložila je Razija Junuzović.
Nije bilo učesnika u diskusiji i Vijeće se nije izjašnjavalo jer se radi o prezentaciji.

TAČKA 12:

RJEŠENJA I ZAKLJUČCI IMOVINSKO-PRAVNE SLUŽBE

Rješenja i zaključci Imovinsko-pravne službe su usvojena jednoglasno sa 30 glasova „ZA“ bez učesnika u diskusiji.

Sjednica je završena u 16.00 sati.

Zapisnik vodila: Mevlida Naimkadić
Tonski snimak sjednice uredno je arhiviran.

Mevlida Naimkadić

PREDSJEDAVAJUĆI
OPĆINSKOG VIJEĆA

mr.sci. Edin Ibrišević, s.r.